



BIBLIOTHECA
UNIV. JAGELL.
CRACOVENSIS

52740

I Mag. St. Dr.

P

Vol. 22. class. 1. inv. 200. Palaeotest. orat. 1860.

PALEÆSTRA ORATORIA

Sive

Imitatio Ciceronis, facta per quā-
tuor Orationes in L. Sergium Catilinam, eiique
additus modus imitandi Ciceronem, & quatenus
ex aliquot Ciceronis Orationibus, leuiter ali-
quis exercitatus, plurimas Orationes
deducere possit.

M. Ioannis Ignatii Bartamony

A U T H O R E

JOANNE INNOCENTIO PETRICO,
Medico, Historiographo, atque in celeberrima
Academia Cracoviensi Oratore,
Tyliciano.

Impensis ex fundatione perpetuâ Generosi
Bartholomæi Novvodvorskî, Equitis Me-
litensis, Ord: S. Ioannis Baptistæ Hierosoli-
mitani, Sacræ R. M. Aulicî & Rotmagistri.

CRACOVIAE.

Ex Officina Typographica Francisci Casarij, Anno Domini 1624.

Gram 854

JN STEMMA.



S.
C.
P.
S.
B. D.

L.
W.
R.
S.
C.

527407

Non ita luxuriant stagnantiā flumina Nili,
Et septem geminis arua refusa vadis.
Ut Domus hæc COMITVM, virtutum quam alluit
Exuperat magnos Marte Togaq; viros. (æquor.
Quin maior COMITVM quam Nili gloria: Nilus
Deficit; æternū sed viget ista Domus.

M. Ioannes Ludovicus Skrobkouicius.

III^{mo} Comiti ac Domino,
D. STANISLAO
LVBOMIRSCIO

Comiti in Visnicz,
SUPREMO REGNI POLONIÆ PO-
CILLATORI: SANDOMIRIEN: SCEPVSIEN:
Bialocerkieuen: Dobczycen: &c. &c. Capitaneo.

Ioannes Innocentius Petricius, S. & F.

NON peccavi, COMES ILLVSTR:
Etiam si ad magnitudinem Tuam cū
leuori hac opellā diu antea resistens,
nūc tamē velut magna temeritate in
eius solem prodeo. Nam ē preciosa
videtur que tholis vestris appenduntur, ē mihi non
integrum fuit, alium huic libello quam Te patronum
adoptare. Armorum in eo strepitus, turmæ Tuæ mi-
litares, bellum Turcicum, ē Tu qui reddit a pace nos
iam exarmasti, armatus adhuc es: ista nonne nisi in
Tuum poterant venire nomen? Quanquam, ne er-
ra, non imago hic perfecta rerum à Te gestarum, sed
reducto aliquantum velo, tanquam in tabula reue-
latur historie parerga. Honor te alias annalium, non
hæc breuis scriptio manet. Illic te cum omnibus Tuis
virtutibus non minorem omnis posteritas suscipiet,
quam presentes miramur: hic neque ex integro, ta-

men

men velut ex veterum instituto separatum sola Tua
tangitur fortitudo, solus monstratur triumphus.
Etenim quamvis non minorem ceterae Tuæ virtutes
mereatur laudem, ignoscet tamen, si magis animis in-
sedit nostris, salus publica & patria per Te seruata.
Nam & tuis in oculis non prius victoria quæ mors
stetit. Vidimus hanc passim in sagis vestris triūphantem.
Audiuimus è proximè funera duorum Ferdinandi imperatorum, neq; longo sane interuallo totidē
Ducum nostrorum casus sensimus; nescio & Tu si ci-
to non vicessem an non eodem perijsses fato. Hoc igi-
tur nunc in Te miramur, hoc narramus & nobis gra-
tulamur, quod non errauimus, sed Te elegimus, qui
solus vinceres, & quicquid longi odij furor in Te &
nos instruxerat, felici cōgessione consumeres. Agno-
scimus sane per omnia vim & regimen Numinis, sed
Te quoque eidem admotum sensimus, atq; Deus hæc
quidem omnia nobis præstítit, Tu tamen ei manus
commodasti. Quamobrem COMES ILLVSTR:
quanquam in transcursu ac de uia, tamen hic litatum
est virtuti Tuæ, neque fas erat, quicquid Tuum
esset, velut facultates patrimonij Tibi paratas alteri
relinquere. Evidem res minus magnitudine Tua di-
gnæ est, quâ saltē interea si deuote Tibi meæ men-
tis testimonium reliquero, promitto, quicquid post hac
fecero, minus, ignoscet mihi.

ORATIO I.

Panegyricus

SIGISMVNDO VLADISLAO
PRINCIPI;

Ad imitationem Quartæ.



Ideo VLADISLAE PRINCEPS
immensem quoddam & infinitum aduentu Tuò exoriri gau-
dium: video triumphum & a-
doream Tuam militarem, no-
uis circumfusam per regnum
resonare palilijs. Est nimium
nescio quantum iucunda om-
nibus, & dulcis victoriæ Tuæ
memoria; sed per deos immortales, cùm pericula Tuæ
reuoluimus obliti lœtitiae, pro Te adhuc in securitate
timemus, & ad publicam querelam reuocamus inusita-
tam Panegyrim. Nobis quidem si hæc conditio vitæ
data est, vt omnes labores, omnes difficultates & peri-
cula pro Principibus perferamus, magis expediebat vt
moreremur pro Te, quam vt periclitaremur Tecum,
dummodo fecisse in Te orbitatem patriæ non videre-
mur. Tu es VLADISLAE ille, cuius non fata, quæ

A

Tibi

Panegyricus

Tibi priuati securitatem abstulerunt, non fortuna, magno nomini & conatibus inuidia, non felicitas post experimentum raro deinde secunda, non denique locus is, quo properasti nostrorum Ducum sanguine cruentus, vacuus mortis insidijs atque periculis fuit. Tu Te parvulum statim ex regia cum Patre in campum translusti, Tu paternis bellis innutritus inter discurios armorum adoleuisti, Tu proprio discrimine nouas huic regno prouincias quæsiuisti: aetum esset de nobis, si pro cōmodo ciuium opus foret semper periculo Principum. An verò hanc Tibi dari sortem à diis immortalibus optasti, vt amotus ab oculis Tuorum, inter supremos anhelitus, non sollicita assidentium ministeria, non madentia lachrymis oscula, non magnis profundisque suspirijs excussoſ sapiùſ amplexus, non denique de Tuō pallente vultu, tristia ab alijs imitari cādauera respiceres? Si Tibi hæc ratio bellorum erat nouum adhuc crimen agnoscimus, quod Te toties ad iniuriam pietatis misimus. Etenim quanquam tollerabilior esse absentium videatur languor, felicior tamē is dolor est, qui cum oculis transigitur, magnumq; habet pietas solatium, quod quem post omnia officia mortuentem videt, credit se non perdere nisi fato. Quare V L A D I S L A E Princeps, placeas licet nobis victoria Tua, tamen in timore de Te etiamnum dubitamus, in amore præsentem videntes Te adhuc desideramus, simulq; velut nunc iterum eodem reuertentem retinentes, publica voce oramus: PRÆSTA nobis eandem fidem

SIGIS MVNDO VLAD: Principi.

dēm qua Te periculis credidisti. Nam primum sperare debemus, à Tuis auspicijs errare non posse victoriam: deinde si quid obtigerit, æquo animo paratoq; moriemur. Neque enim Tibi aut morte periculi potest, à quo habemus vitam, aut vita sola referre fas est, cui debemus mortem, cūm sāpe etiam à bonis ciuibus ea contingat grātia & malo principi. Quod si tamen Te rapit in aciem, aut ista persuasio, vt audacissimum & fortissimum facias Tua præsentia & exemplo militem, aut illa dulcedo gloriæ quæ domesticis incitamentis animum Tuum alsiue inflamat & erigit, cum mater ex Tuo pectore Constantiam, soror ex vultu & indole, qualis aliquando strenuus videri adspiciique soles, fratres ex tuis manibus exemplum, deniq; ex toto Te, an iam à sua disciplina maturueris virtuti prospectat senex Pater? Quicquid horum est, si non inuides, ijdem erunt stimuli nostri, & istud insuper accedet, quod Tu etiam à nobis aliquid expectabis: alias, ne ignora, vnu nos timidores faciet, si Te nobiscum habebimus. Quare V L A D I S L A E Princeps, differ nunc ardorem istum, quiesce tantisper, circumspice omnes procellas, quæ impendent nisi bene deliberas. Non Te Moschowitzicus ille tyrannus, iuri gentium, missisq; ad Demetrium legatis manus injiciens, non eodem scelere contaminatus populus, spectatum ex contubernio patris pœnas suas, non denique illæ Tuæ prouinciæ, ad bellū atque adeo debitam post patrem de se victoriam vocant. Sed exurgit is, qui quantum habet contra omnē genus

Panegyricus

genus humanum irarum, quantum circa se terrorum, quantum extra maria ac pene terminos solis populum, totum id in caput trahit Tuum, ac ne qua pereat belli hora præceps currit. Strepunt arma, tubæ, ferrum. Mouetur Oriens, armantur, qui vix vñquam tractabat arma populi, Valachia insolito virorum equorumque pondere completur, cæsus illic Zolkieuius exemplar iam fati Tui spectatur. Id initum consilium est, ut interfectis omnibus, nemo ne ad deplorandum quidem populi Poloni nomen, atque ad lamentandam tanti regni calamitatem relinquatur. In nunc VLA DIS LAE i, collige omnes spes Tuas, promitte nobis securitatem, alius exitus affectus nostri est, victore etiam te sperare timemus. Primum quod inuitis quoq; incurrit in annos Osmani ferocia, potentia, Tua cum illo iuuenta velut in supremum discrimen comparata, deinde terra quam petis saepius nostrorum sanguine infecta infestaque: tum nondum detersa oculis fortissimorum virorum ducumque cædes aut captiuitas: adhæc incerti casus bellorum, sortes hominum: quem deinde scire mortalium, vtrius nunc euentus, vtrius fortunæ bello iuuenis permitteris? redditurumne Te aliquando cum victore exercitu, an ultimum iam prosequentes videamus? Talem ut audis cum gaudio attulit nobis timorem aduentus Tuus: irascimur quoque Tibi, & tamen ad extremum Te laudare necesse est. Iam enim intellectimus solum Te potuisse vincere, qui solus ad hæc potuisti sic audacter ire. Sed adhuc ego institui VLA-
dislae,

SIGISMUNDO VLAD: Principi.

DIS LAE, tanquam integrum referre, & de bello quanti intererat Te iuisse, & de reditu quanti nobis constitit Te viciisse. Illud quod Tuæ gloriæ primum fuit prædicam. Ego omnium ciuium voce oculisque Te tanto tamque horribili bello signari ducem: iam pridè videbam. Sed illud tantum intra spes suas quemque dicere de Te audiebam, Victor is esset. Cum tu istud quò nostra vota tendebant repente occupasti, susceptaque sponte salutis nostræ cura, hoc maximum nobis præstitisti, quod Te neque rogauimus. Quo quidem tempore quod iudicium de Te, qui sermones hominū, quæ libertas precandi fuerit, audi. Commota sedibus suis Turcarum regna Te in bellum vocant: dignus qui eas, & aliquando ut Moschorum mereare. Prouocat rerum alibi secundarum insolentia inflatus Osmanus: Tu ab ipsis Imperatoribus pridem virtutem auspiciatus fuisti. Totus Oriens collatitiam in Te vim comparat: compendiosior tibi victoria erit. Quacunque ratione celeriter Tibi eundum est, antequam hostem acie excedere, quem vix potuimus ad pugnam elicere audias. Video duo in hoc bellum proferri vexilla: unum Patris cum hoc titulo, PRO TE ET TECVM. alterum Tuum cum alio, PRO GLORIA CRVCIS. In utroque vtriusq; pietatem & gloriam, vim & victoriā agnoscō. Ille simul iuuentæ Tuæ innixus, manibus Tuis, patriam, nosomnes, tempora atq; delubra commendans, eos nunc à Te repetit, quos aliquando ipse sustulit optimus Pater labores PRO TE ET TECVM:

Panegyricus

simul de vtrisque sollicitus, non minus cariores habens
liberis ciues, ipse se etiam parat in pericula, tam pro
Patria & PRO TE quam TECVM. Tu ad publicas spes
votaque ab ipso admotus, quodcunque deinde tulerit
fatum, putas Te aut bello habere maturam ætatem pro
gloria Patris, aut ingredi maturam mortem PRO
GLORIA CRVCIS. Itaque euntis genua tenens, ve-
xillum apprehendentis manus exosculans, Fortiter (sic
inuicem reddis Patri) mihi nunc liceat facere PRO
TE, feci iam TECVM. Neque enim ylla in futurum
timuisti fata, quæ antea solus & cum Patre explorasti.
Itaque lætus vexillum illud accipis PRO GLORIA
CRVCIS. Evidem habere VLADISLAE videba-
tur hæc Tua tessera, siue eam à longe ostendisses se-
curitatem, siue in aciem misisses victoriam, nisi quod
magis Tibi placeat illud AVT CVM HAC AVT IN
HAC. Vnde viam ingredientे, non equus Te sed tri-
umphalis currus, non pericula sed secunda omnia, non
campus & arena, sed asylum & triumphalis ara expe-
ctat, quin statim ipsæ Te deorum hominumq; omnes
religiones, omnes sanctitates accipiunt. Ergo macte
virtute iuuenis festina; trophæum istud quod sumpsisti
multorū pridem est gentium spoliis onustum: festina;
maiores multo nunc fortunam sequeris Crucis, quam
audisti in Cæsare: festina; illud Tibi nunc coeleste car-
men & omen præxit, HOC SIGNO VINCES. Ita Con-
stantinus ille Maxentio terrorem supremumq; fatum
datus non ipsum prius quam toruos & truces eiuso-

culos

SICISMVND OVLAD: Principi.

culos hoc signo fregit. Et vero VLADISLAE Princeps omen Te hoc prius an regnum defecerit vide. Si intra limites ac velut domesticæ fortunæ sinum con-
stitisses, vbi plurimum exempla & incitamenta circa Te
fuissent, minus fortasse nobis mirum fuisset etiam si in-
ter maxima retulisses nihil victoria minus, nunc illud
Te consecutum esse scito, quod ita communem glo-
riam sicut regnum egressus es. Habuimus enim Te
quoque in Moschouia, sed cui ab aduentu Tuo & male
antea cum Patre experta fortuna non aliud superfuit,
quam vt statim timeret, quæ quantumvis potens vix
ab aliquo timebatur. Intellectum est quantus in Vala-
chiam ire debueris, cum maior redire non posset, præ-
fertim ab illis tumulis, à quibus luctus tantum & con-
tinua funera numerabamus. Vidimus sane vt multis
rerum secundarum gloria contigit, vt ex Valachia præ-
ter Te iam diu nulli: illud non vidimus, admirabilius
in aliquo an in Te fuerit, immensam illam barbaro-
rum vim quod tam cito parua manu viceris an aggredi-
ausus fueris. Nam istud confitendum est, quod Te &
tunc extra hominum sortem putauimus, cum extra re-
gnum esse audiuimus, & nunc non magis quenquam
supra Te nouimus, quam antea supra O'manum vidi-
mus. Irem VLADISLAE Princeps virtute Tua col-
ligenda per omnem Valachiæ limitem, perque illas
qua fluit Nester ripas, nisi iam & gloriæ Tuæ nihil suf-
ficeret quæ omnes excessit limites, & victoriæ nihil
deesset, quæ ipsos impleuit fluuios. Relaturum me
fortasse

Panegyricus

fortasse sperasti, illam immensam hostium Tibi succumbentium copiam, illum eorum gemitum, vulnera, cædes, morientium lapsus? Ego verò contra alia referam. Ablata ab hisce hostibus est Asia, occupata magna pars Europæ, correpta Pannonia, concessit in prædam Bithynia, Thracia, Syria, pressa obsidione Viena, nos quoq; in communis regnum fortuna aliquot castra cum Ducibus perdidimus, iacet adhuc post amissum exercitum Zolkieuius, breuiter totum accipe; Orbem peruagata victoria VLADISLAE in Tentantum stetit. Nunquam hæc breuiori bello audita est maior, cuius si tamen summa referenda est, Osmanum sic viuum sic victum reliquisti, vt eum Turcæ ferre non potuerint. Itaque ita hoc orbi nouum est, vt sit æternum, ita Tibi primum vt sit supremum, ita Poloniæ ultimum: vt deinceps ad omnem victoriam sit semipiternum. Quamobrem pro tantis tuis meritis, siue Te vt olim Africanos, Macedonicos, de gentium deuictarum titulis adoptiuo ornare velimus nomine, plus iam ostendis triumphorum quam illorum vnuis quisquam habet titulorum, siue ex vetusto heroum æuo, parem virtuti Tuæ comparemus principem, magis Te in tenera ætate miramur, quam aliquis illorum per vniuersam laudatur. Quanquam VLADISLAE quod potest dignum contingere virtuti Tuæ præmium? ego enim etiam de omnium sensu pronuncio. Nam ita mihi salua Republica perfriu cum omnibus liceat, vt cum omnia bellorum & hostium genera Tibi cedunt,

cx

SIGISMUNDO VLAD: Principi.

cedunt ex omni etiam memoria tradita literis virtutū monumenta. Videre enim videor regnum hoc vrbesq; vniuersas, antemurale & propugnacula Christianorum, subito vno incendio concidentia, cerno animo sepultam patriam, miseros atque inseptulos aceruos ciuium. Versatur mihi ante oculos aspectus Osmanii & furor in nostra cæde bacchantis. Cum verò mihi proposui dominantes hic Veserios, purpuratos Bassas, cum imperio venire barbaros, tum lamentationem matrum familias, tum fugam virginum atque puerorum, ac vexationem sacrorum & religionum, perhorresco. Et quia Te pro nobis contra hæc omnia intrepidum misisti, magis etiam nos amasti quam voluimus. Etenim cum inoffenso victoriarum cursu, illinc superba Asia, hinc minax Europa, inde Pontus, atq; immanium animorum duratrix palus Mæotidis, quicquid vspiam ferorum atque immittium populorum haberent effunderent, quis in ista ire alias potuit, nisi ille qui simul pro nobis paratus erat & mori? Vis enim VLADISLAE scire, quando barbari nos, coniuges, liberosque nostros trucidare, quando singulas vniuersiusq; domos, atque vniuersum regnum delere, quando in vestigiis vrbium atq; in cinere huius deflagrati imperij consistere decreuerant? totum accipe, vbi Te primum sustulissent. Nisi forte Cæsar Osmanus mitior cuiquam visus est, cum suam sibi per galeam supra ma oscula dætem, simulque ac si perfusum manantemq; cruore per somnum vidisset, metu & illecebris pendente sequē

B

retra-

Panegyricus

retrahentē mulierem complexu excuteret: cūm iisdem terroribus nocturna quiete à patre suo agitatus, ad Te tamen properaret. Cui quæ similis audita est obstinatio: quale tunc initum erat delendæ Republicæ consilium? Bellum ille non ante suscepit quam se in rabiem colluctantis fati exercuit. Atque illo tempore hic Mustapha patruus eius serio eum à proposito dehortatus est, & latis constitit fuisse complures, qui cogitationibus eius obuiam ibant dissuadebantq; bellum, sed obstinatione & furore iuuenis correpti, suo exitio cæterorum quoq; consilia & voces consumperant. Igitur ferus & immanis dum ad euertenda fundamenta huius regni exonerauit classibus maria, iunxit Asiam Europæ, compulit in vnum regnum vniuersum orientem, attribuit nos trucidandos Thracibus, Epyrotis, Bulgaria, Illyricis, cæteros ciues īterficiendos Valachis, vrbes inflammandas Ianissarijs, totam Poloniā vastandam diripiendamque Tartaris, quia Tu V L A D I S L A E obstitisti, primum se Tibi inimicum fecit. Scimus profecto quantum nobis præstiteris, nam & illud nemini dubium est, quod voluisti, non expectasti Patrem; quod non timuisti, non expectasti parem exercitum; quod Te strenuè gessisti, cito cum victoria redijsti. Sed quid ego hæc recolligo, quæ magis in redditu Tuō eminere video? Omnia Tecum restituta, recreata renata sunt V L A D I S L A E, & quod oculi beneficium faciunt, cum Te aspicimus, pugnam Tuam reuocamus, renouamus, atque in Tuō vultu videmur Osmanum videre

per-

SIGISMUND O U L A D : Principi.

pereuntem. Omnes Te omni lætitia, omnium ordinum homines, omnium denique ætatum accipiunt. Seipsum virtuti Tuæ obuium triumphus effundit, plena sunt itinera, pleni omnes aditus Tui accessus & viæ. Etenim quamuis iam diu à Te maius quiddam annis Tuis accipimus, nunc tamen hoc summū fecisti, quod non statim credidimus. Vnde in aduentu Tuō, & ad ea quæ in nullo vidimus, desiderauimus oculos, & ad ea quæ in Te vidimus, desiderauimus fidem. Nemo iam studio suo par est ad Te mirandum, nemo animo suo Tibi ad gratulandum. Omnes dij immortales, quibus gratijs, quibus studijs, quibus gaudijs circa vestigia Tua consistunt? Quid ego hic laudes in Te Patri Tuō factas cōmemorem? qui ita Pater patriæ est, vt Tuus, cui iam tanto amplius per Te, quod sibi filium, nobis Parentem protulit Parentis nomen accreuit. cuius in Te non imaginem tantum vultus, sed magis mentis quæ æterna est agnoscimus, illamq; præ alijs ab omnibus gentibus laudatam fortitudinem: nam quamuis nunc non omnes virtutes proferre potes, illud tamen de Te scimus, quod de omnibus didicimus, Vbi vna virtus est, illic omnes adsunt. Pari studio ex lætitia in vota effusi, ad Tuos conuertimur, illudque præcipuum precamur, vt nos sic ament Tui fratres omnes, quomodo Tu: neque enim ipsis virtutem Tuam in exemplu dare necesse est, quibus eadem est domus, par indoles, & ante omnia quod Tibi ipsi profuit optimus Pater. Sed reliquam adhuc nostram lætitiam vide. Omnis a-

B 2

det

Panegyricus

dest ingenuorum multitudo etiam tenuissimorū. Quis est enim cui non hæc templo, aspectus vrbis, possessio libertatis, lux ipsa, hoc deniq; Patriæ solum sit iam dulce atq; iucundum? Operæ pretium est VLADISLAE militum quoque studia cognoscere, qui inter viætrices Tuas aquilas læti cōmemorant, quis fudores tuos hauserit campus, quæ refectiones Tuas arbores, quis somnum ceipes exceperit, quoties stationes circumiuisti, quoties vigilias obiuisti, nihilque illis imperasti, nisi quod cum ipsis antea didicisti. Sed quid ego huiusc ordinis homines commemorem, quos priuatæ fortunæ, quos communis Res publica, quos deniq; libertas ea quæ dulcissima est, lætos ad Tuum conspectū velut salutare numen propellit. Te paruuli noscere, ostentare iuuenes, mirari senes, omnes vltra quam vi-sus agi potest, vultum tuum prospicere, quererere, sequi, sicque ex eo accipere victoriam quasi vitam. Nemo enim est tam fortuna tenui, qui non illum ipsum sellæ, atque operis & quæstus quotidiani locum, qui non cubile ac lectulum suum, qui deniq; non cursum hunc otiosum vitæ per Te iam feliciorem magisq; iucundum habere videatur. Quæ cùm ita sint V L A D I S L A E, ista in aduentu Tuo facimus, amamus & debemus, eoq; putamus Te & amari magis, quia satis nō possumus, & amari minus, quia is affectus maior putatur, quām Principes amare, principibus debere. Habes ciues vniuersos ex plurimis periculis atque insidijs atque ex media morte Tibi deuinctos cum liberasti.

Omnes

SIGISMUNDO ULAD: Principi.

Omnis ordines mente, voluntate, studio, virtute, vo-ce, beneficium Tuum profitentur, quòd nec debere sufficiunt. Erepta ex facibus & telis impij tyranni patria communis, Tibi se, Tibi vitam omnium ciuium, Tibi aras penatium, Tibi omnia deorum templæ, atq; delubra, Tibi muros atq; suarum vrbium tecta debet. Præterea & nos vitam Tibi nostram, coniugum & li-terorum animam, fortunas omnes, sedes, focos, deniq; vt nihil Tibi à nobis referri posse scias omnia debem⁹. Habes ciues omnes, omnes ordines, vniuersum popu-lum Polonum suis in Te officijs certantem, quæ quāuis in Te consumpsérit, Tibi tamen omnia debet. Sensimus nunc quantis laboribus fundatum imperium, quanta virtute stabilitam libertatem, quanta deorum liberalitate auctas exaggeratasque fortunas, cum pro-pe iam collapsæ fuerint Tu nobis restitueris, hoc tamē non sensimus, vt paria rependamus, an Tu quoq; nos aliquando in eo possis facere felices, neque enim vn-quam aut Te sic amare sciūimus aut Te sic amari me-ruimus. Atq; ego inter circumfusas Tibi vndiq; gra-tias, & innumerabiles populi voces, id egi quod ille qui Xerxis enumeraturo copias, postremam eamq; mi-nimam partem explicuit: ita quod quidem in omni gratia primum sed omnium minimum est, satis tamen explicare non potui, quod debemus. Nunc antequam finem faciam, patere adhuc Te V L A D I S L A E in Re-giam Tuam comitari. Ego tantæ venerationis Regum domos, quantæ olim triumphales veterum fuerant esse

B 3

scio:

Panegyricus

scio: in quarum atrijs expressi cera maiorum vultus, dispositusq; inter suffixa hostium arma & spolia totus in oculis stabat quicunque fuerat familiæ populus. Et vim facti pridem nosti, scilicet domus ipsæ intrantes admonebant domesticæ gloriæ, exprobrabantque imbelli domino illum quem incoleret alienum esse triūphum. Sed nullum Tibi VLADISLAE periculum est, vt Te intrantem regiam maiorum ornamenta coarguant, atque Tu incurrentem vndique in Tuos oculos maiorum splendorem obnubas. Vides illic AVDACES; Tu iam reddidisti: vides IUSTOS; Te ad exemplum istud composuisti: vides PVDICOS; hoc adhuc in tenera ætate habuisti: vides PROBOS; istud à Patre hausisti: vides MAGNOS; nihil nunc paruum attulisti: vides AVGUSTOS; id in Sigismundis meruisti. Sic enim istud ab illis cœpit, vt nunquam desierit, sic non desuit vt semper processerit, sic processit vt ex TERTIO in Te fluxerit; sic fluxit, vt nunquā talis deficerē possit, qualis Tu es, & quales olim erant Fortes, Felices, Optimi, Maximi. Quanquā hæc nomina ita iam sunt vestra, vt qui ea nunc memorat, non minus aliquam virtutem designat, quam aliquem SIGISMUNDVM, sicut non minus Patri Tuо accessit, vt sic TERTIVS SIGISMUNDVS, quam vt sit TERTIVS AVGUSTVS; quamuis nulla ipsum nominat virtus, quia pariter possederūt omnes. Quare VLADISLAE Princeps, infer inter Tuorum imagines triumphum Tuū, admittunt Te in suæ gloriæ partem maioris Tui,

ipsi

SIGISMUNDO VLAD: Principi.

10
ipsi Te secum futuris seculis loquendum tradunt, Tibi noua atria & propylea parant, quæ implere spolijs hostium, atque distinguere virtutibus Tuis poteris, ex omnibus modo quæ Tecum affers sit maximum illud, Ne desinas. Te verò SIGISMUNDE PATER, pro Tuо beneficio, quo inter alia id à Te retulimus, vt nobis Dux esset filius Tuus, pro Tua pietate, qua nuntanti patriæ, quot habes filios, tot iam promittis manus, pro Tuо amore, quo sic vnum amasti, vt ipse ires tanquam in acie omnes habuisses, pro his inquam rebus omnibus, & pro Tuis alijs singularibus meritis, proqué hac quam agnoscimus in conseruando Regno Tuadiligentia, quibus Te laudibus, quibus gratijs conueniamus? Totum id Tuum est quicquid diximus, neque nunc minus suam filius ad Te gloriam quam arma refert. Fuerit iste suus ardor, fuerit propria virtus, meminit tamen quo sub Magistro militauit, neq; ad tantam gloriam illi tam citò peruenire licuisset, si sub Te tardè cœpisset. Scimus quantum alibi Tua presentia iuueni profuisti, sed etiam Tu hoc à nobis scito, quod & nunc cum eo fuisti. Dum enim te laudamus, dum Tua facta memoramus, dum Te iam ipsum venire dicimus, filius ad Te respicit, pugnat, properat,

VINCIT.

ORA.

ORATIO II.

De victoria reportata ex Turcis, eorumq; potentia.

Ad imitationem, Secundæ.



Andem aliquando, Quirites, Turcicum tyrannum concepta iam diu in nos odia voluentem, fastu tonantem, concrepantem iras, nobis atq; toti orbis occasum minitantem, ad Bosphorus suum vel pepulimus, vel eieimus, vel tota vi ad nos connitentem regno exclusimus. Abiit, profugit, excessit, euasit. Non tantus iam horror à monstro illo atque prodigo generi humano comparabitur. Atq; is quidem ipse velocior quam profugus alias ex bello, primus domum suam fugam & nuntiū tulit. Nō iam ne maria copijs absorbeat, terras exercitu deprimat, solem iaculis surripiat, mundum captiuum trahat pertimescimus. Ferrum ille exhorruit, cū vix ex sanguine suo emersit. palam nunc cum hoste nō fabula bellum gessimus. Sine dubio perdidimus hominem magnificeque vicimus, quod amplius sex annorum apparatum minus bimestri victoria sustulimus. Quod vero nusquam machinæ admotæ, quod non inducti

De victoria reportata ex Turcis.

ducti arietes, quod non pulsati quassatiq; muri, quod ei manus cōstrinximus, quod ipsummet circumscripti-
mus, quanto tandem illum mœrore afflictum esse, &
profligatum putatis? Iacet ille nunc Quirites, & se
perculsum atq; abiectum esse sentit, & retorquet pro-
fecto saepe oculos ad hoc regnum, quod ex suis fauci-
bus eruptum esse luget. Quod quidem lœtari mihi vi-
detur, quod quem totus tremor mundi sentit, eum vt
venit, vidit; vicit. At si quis est talis, quales complures
esse intelligo, qui in hoc ipso in quo exultat & tri-
umphat patria nostra, nos vehementer accuset, quod
bellum supra fidem hominum nobis felicissimum &
maximum fuga potius hostis quam sanguine finiuim⁹,
non est ista nostra culpa Quirites, sed temporum. Iam
pridem cœcus ille in mucrones nostros ibat, iam pri-
dem conatus suos cum antequam nos videret, nuntios
de pace mitteret, damnabat. Sed quam multos fuisse
putatis, qui vt tunc si ab armis recessissemus, metu fa-
ctum fuisse crederent, nos arte bellum elusisse putarēt:
ita nunc si ipsum interfecissemus, aut fortunæ quæ plu-
rimum in bello valet imputassent, aut deniq; à nobis
magis fortiter quam prudenter factum improbassent.
Ac si regnum nostrum diuturno bello sufficere posse
judicassemus, statim nos Osmano fugam cœde & san-
guine interclusissemus. Sed cum videremus, ne gen-
tibus quidē omnibus nostra virtute probata, si vt bella
solemus ita ad primum congressum & ipsum sustulisse-
mus, fore tamen vt cōtra iminentia pericula à nemine

C

iuuare-

De victoria reportata ex Turcis,

iuuaremur, rem huc deduximus, vt semel turpiter vi-
uus fugeret, quām semper suos mortuus in vindictam
ageret. Quem quidem ego hostem, Quirites, viuum
emissum esse, quām vehementer reprehendendum pu-
tem, licet hinc intelligatis, quōd illud etiam molestē
fero, quod parū comitatus abierit. Utinam hanc quoq;
nobis famam reliquisset, quōd cum viris fortibus pro-
fugisset. Hali-Bassam mihi eduxit, quem pridem pa-
uentem aciem ad Danubium habuerat. Dilauerum &
alios quos non tam fides aut fortitudo, quam metus
eum diserendi vsq; ad suam fugam tenerat. Perdidit
viros strenuos, fortes, aut quibus ea gloria erit, quod
virorum fortium armis manibusq; ceciderint. Itaq;
ego deinceps illius exercitum præ nostris legionibus,
& cum suo Oriente præ ijs copijs quas Hotkeuicius &
Lubomirscius comparauerant magnopere contemno,
collectum magis ex gentium fabulis quām viris, ele-
phatos nobis & camellorum greges, quam hostes obii-
cientem, mollem, imbellem, pauidum, & stridore
belluarum aurastantum fatigantem. qui emissus nobis
hanc debuit gloriam, quām ipse per ignota terrarum
vnde venerat sua fuga diffunderet. Scythes quos ad
furta & latrocinia restitisse sentimus, quos iam diu im-
pune toto regno cum ferro & facibus volitare sinimus,
latrones Poloniæ, depopulatores prouinciarum, malle
vindicta quām victoria retudissemus: quos adhuc si
omittimus, si relinquimus, mementote non tam bel-
lum aliquod esse nobis, quām hanc pacem pertimesce-
dam.

eorumq; potentia.

dam. Atq; etiam hoc magis timenda est, quod quibus
spectaculum fuit fugiens dominus serui non commo-
uentur. Video ipsos assuetos latebris & syluis bellum
eludere, in saltibus suis quos vix vnquam armati intra-
uimus spem ponere, in perniciitate salutem omnem pu-
tare, sed tantum iam velocitatis vindicta quantum fu-
ga habet, & quā fugere illi, se qui nos victores possum^o.
Palam nunc fecimus virtutem nostram. Osmanus ipse
pertimuit, profugit, hi quid expectant? Næ illi vehe-
menter errant, si hanc nostram lenitatem diurnam
sperant futuram. Quod expectauimus iam consecuti
sumus, vt neq; nobis eorum domini pro ipsis obsistere
queant. Licuit si voluissimus Osmanum intra paucos
dies conficere, licuit fugientem Constantinopolim se-
qui, atque in sua sede fatigatis subsistere. Reliquimus,
dimisimus timentem. Id nunc Tartaris concedimus,
eant, illum sequantur, ne permittant miserum per iti-
nera timere, suum hunc comitatum post terga respice-
re. Demonstrabimus iter, non per pontem quem Ne-
stro imposuerat profectus est, sed in ipsorum fedes ver-
sus Mæotidis paludem conuersus. O fortunatum re-
gnum siquidem fædam hanc luem aliquando excusse-
rit, vno me hercle Turca depulso, releuatum mihi &
recreatum videtur. Quid enim hic furore & amentia
demens intactum intentatumue relinquebat? quid to-
ta Polonia discors, quid mobile, quid debile, quid va-
lidum suis artibus non subruebat? quem dolum, quem
astum, quas technas, quas fraudes, quod scelus omit-
tebat?

De victoria reportata ex Turcis,

tebat? Quę Tartarorum incursio per hōscē annos sine illo facta eit? quod in regno facinus non per illum? iā verò quis tam varijs artibus potens fuit vt ille? qui alios minis & terrore superbissimè aliens donis & promissis flagitosissimè terrebat alliciebatque. Illud verò quod Cracouiae vidimus fædum & crudele spectaculū, num ab eius præstigijs & veneficijs abhorrere videtur? sparsa per publicum per latebras humanorum corporum membra, hic manus, illic pedes, alibi nares, dighi, & laniatorum tantum cadauerum informes reliquiae. Quid? illa violentia ignium, crebra incendia, eoqué ipso anno duo haud ignobilia oppida flamma absunta? Nulla non modo Prouincia, sed ne angulus quidem in hoc regno est, neque tam longinquus, neq; tam reconditus, quem ille non aliquo scelere & flagitio peruaserit. Sollicitati fuerunt præmijs facinorosi, misfi in omnes partes nuntij, & quo promptior futura videbatur apud discordes religione perfidia, in Rutenorū regiones plerique rituum sacerdotes. His imperatum fuit, per vrbes, perque Cosacorum contubernia furtim adrepere, Cosacis Kiiouiam, Camenecum, aut quemcunq; sibi præda legissent locum elargiri, aliis tributa dimittere, impunitates promittere, denique nondum victum dono dare imperium. Atque vt diuersa Osmani studia in dissimili ratione perspicere possitis, nemo maiori apparatu iraque velut vltimum delendæ nostrorum genti tot excitas sedibus suis gentes aduersus vnum regnum compulit, nemo ma-

gis

eorumq; potentia.

gis anxia spe velut adhuc non suffecturum, tot militantium numerum duceret, tot technas & fraudes ad id bellum contulit. Idem tamen metus & audaciæ simulator, velut aquas & terras populatus ab omnibus gentibus cum timeret timebatur. Hunc verò si sui isti fuerint milites secuti, si aliquando regno pulsi fuerint impurorum hominum fædi greges, o nos beatos, o fortunatum regnum, o præclarum fructum victoriæ nostræ. Iam enim non sunt mediocria Tartarorum latrocinia, non tolerandæ & humanæ audaciæ, nunquam requiescunt à cædibus, ab incendiis, à rapinis, non arma, non acies dirigunt, sed cùm nec inueniri, nec resistere possunt celeritate fugæ hostes agunt. Hinc periculum eos iam pridem, timor nuper deseruit, audacia & insolentia ipsis maior crescit. Quod si aliquando aut ad prælium elici, aut saltē alicubi deprehendi possent, auferrent sane prædam & rapinas, at cum cæde sua. Hoc verò quis ferre potest, bellum quiete, quietē bello, periculis securitatem, pericula fuga iuuicem eludi? qui mihi distenti carne ferina, inquinati animantium & ciuium sanguine, corpora & terga contumeliaz Turcarum commodantes, iactant spolia & victorias cùm hostem nunquam videant. Quibus nefandis contaminatis sceleribus, rapinis, sacrilegiis numen deorum aut instare iam planè aut certè appropinquare confido: quorum vlciscendorum si rationem & viam aliquando iniuerimus, non breue nescio quod tempus, sed multa sæcula beata propagauerimus Reipublicæ. Nulla est

C 3

enim

De victoria reportata ex Turcis,

enim natio quam pertimescamus, nullus rex qui bellū nobis inferre audeat, omnia sunt Regis nostri virtute & fortuna pacata, istud tantum est bellum, istud tandem certamen, iste tantum hostis, aduersus quem stat etiam pro nobis regni fortuna & vltores dij. Hi errantem suisq; latebris suetum tegi non sinent; si inueniri non potest, deprehendi poterit, quacunque ierit ferro & vindictæ iter patebit. Proinde aut quiescant, aut si pacem ferre non possunt, bellum expectent. At etiam sunt Quirites, qui dicunt expectandum nobis fuisse Regem aduenientem cum exercitu. Quod si id tunc cùm in castris eramus suadere voluissent, istos ipsos ut exp̄assent rogauisemus qui hæc loquuntur. Omnia enim videlicet ad expectandum & ducendum bellum abunde habuimus, commeatum, arma, viros, equos, aut simul ac volumus domo his suppeditabamur. Quid quod quartodecimo Calendas Octobris, cùm iam ad virgulta internata faxis, & ad quæ sua quenq; cogebat egestas verteremur, in concionem vocati venimus, pleriq; vix ægra morbis sustinentes corpora coram ducibus stetimus, illuuiie & squalore enecti, continuis vigiliis pugnisq; confecti, peste, fame, inopia virorum & iumentorum afficti. Hic deinde tot tantisq; malis oneratus ac obrutus exercitus interrogatus à ducibus, moueri porro loco sterili ac tabe noxio in alium vellet necne? Cùm suarum iactus miseriarum dolore mæstum primo silentium obtinuisset, tandem uno animo & voce yna reclamauit, nec ante paruum illum & inopem

collem

corumq; victoria.

colleū deserturum se esse dixit, quam vbi non super essent qui eum hactenus tenuissent. Itaque non minus postea fortiter mansimus, quām semper dimicauimus, atque inter extrema malorum id præcipue timuimus, ne nostra potius lassitudine quām virtute hostis vinceturum. Quem cùm in dies vrgeremus, cùm obfessi in obsidentem maiorem perniciem verteremus, cùm iam eum nō expugnandi modo nostra castra, verum etiam à nouarum cum Rege copiarum aduentu quem nos præsentire non potuimus, in eodem manendi loco spes desiceret, breui petentem pacem habuimus. Cùm hæsitaremus, cùm cunctaremur, interea nuntiatum nobis à transfugis est, colligi sarcinas, onerari camellos, abiire hostem, nec facili cuiusquam coniectura an non postea cum periculum abscepisset reuersurum, præsertim cùm tot millibus cæsis, subduceretur ex acie ingens tandem exercitus, arma, signa, & super omnia ex damnō & ignominia factus ferocior iuuenis imperator. Ergo neminem expectauimus cum per nos tutius finiri bellū posse putauimus. Etenim credo Tyrannus ille, quem nulla prodigia, nocturnæ minæ, amicorum consilia, & cùm Constantinopoli moueret; nec trementis terræ monitus ab incæpto in bellum eundi furore tenuit repente venietis exercitus fama iactus bellum ponere voluisset; & nos fortasse pacem faciendo, venientibus materiam gloriæ præripere voluimus? O conditio nem miseram, non solum vitam, sed & operam impendi pro Republica. Tunc si recens exercitus viris, armis,

De victoria reportata ex Turcis,

copij instructus aduenisset, castra castris contulisset, in aciem prodijset, vno congressu Turcam vicisset; non ille a nobis antea contusus & debilitatus, non pertinaci paucorum virtute obstupefactus ac perterritus, non de spe conatuque deiectus, sed integer ac propè paruæ nostræ victor manus, nouis demum copiis fractus ac depulsus esse diceretur. Et fuisse qui si hoc prouenisset, nobis non victoriæ sed belli moram imputarent, nos nō nostra virtute restitisse, sed aliena ope propè ex faucibus hostiū eruptos fuisse dicerent. Fuisse nobis tanti, Quirites, huius inuidiæ falsæ atque iniqæ tempestatem subire, dummodo à patria grauioris postea belli periculum depelleretur. Diceretur sanè hostis vietus esse ab aliis, dummodo in perpetuum quieuisset, sed mihi credite non quieuisset. Nunquam nobis id animi fuit Quirites, vt occupandæ gloriæ causa eum hostem qui tot funerum ac cladium patriæ causa fuit, à nemine quām à nobis victum esse vellemus, sed tamen tam citò vinci non potuisset, atque illud etiam dubito, vtrum magis nobis pñtendum fuisset ipsum viciisse, an abeuntem reliquisse. Satis fuerit semel quicquid perfecimus expertos esse: nā enim non idem nobis semper ludus ac iocus cum imperito adolescentulo, affectuum iræq; impotenti, consiliorum impatiens, dimicandi rediret, quem diutius militantem ipse euentus instruxisset, necessitas, timor rexisset, & si cætera defuissent hostis docuisset. Illi autem post negatam pacem, si me hercules omnia contra

eorumq; potentia.

Contra voluntatem cogitationemq; accidissent, tamen fortunam potius quām repulsam tentare maluisset. Tunc verò cùm adhuc multorum annorum apparatū, tot à tergo populos, vel ad trahendum bellum satis habuerit, gratulemur nobis potius quod bellum cum eo finiuimus, quām queramur quod alios non expectauerimus. Sed cur tam diu de hoc bello loquimur? & de eo bello in quo hostis fatetur se esse victum, & qui nisi discordias & vitia nostra in suam gloriæ verti posse sperasset, nunquam de suis viribus tantum præsumpsisset. His qui per nostra latera petebantur, ad quos si deflagrassemus transitorum incédiū fuerat, quibus hæc victoria vix creditibilis videtur hostem non ostendimus? quem quidem ego pristino iam illo suo impietu & fortunæ ventis quibus immensus intumuerat destitutum ruere, opprimique vt à nobis tunc facile potuisse, ita ab aliis quoque nunc posse intelligo. Exponam enim vobis Quirites, ex quibus generibus hominum Turcarum copiæ comparētur: deinde in singulis intestinam pestem ac perniciem detegam. Primum genus est eorum, qui ex gente superstitionibus dedita, hoc vaticinio bella ineunt, tanquam ad ipsos imperiū totius orbis peruenire esset necesse. Horum hominum spes est firmissima, voluntas verò & causa impudentissima. Illi prouincias, regna, imperia, mundum se in vinculis habituros sperant, ea tamen fraudibus inuadere non dubitant, quæ sibi fato deberi putant. Quid verò sibi pollicentur? quæ habent perpetua? quid?

D

ergo

De victoria reportata ex Turcis,

ergo capta nuper Valachia , eamque premente nostrō exercitu adeo reliquum sacrosanctū fuit , vt cum ea ipsis eripi non potuerit ? an quæ non habent parabilia ? errant si amplius suo putat esse incremento locum , vel ex hoc sciant se iam plena & mox recessura fortuna senescere , quod non augescant . Sed hosce homines minime puto pertimescendos , quod aut quæ diuinantur euentu falsa iam esse vident , aut si non vident , magis sua carmina quām arma videntur mihi in aciem laturi . Alterum genus est eorum , qui quanquam idem somniant , dominationes expetunt , orbe se potituros credūt , in summa cum prioribus spe sunt , nouissima tamen sibi ab aliquo Septentrionis populo imminere augurantur . Quibus hoc præcipiendum videtur , vnum icilicet & idem quod cæteris omnibus , timeant , caueant , ab his oris funestum sibi signum consistere sciant , vocari se iā ad implendum fatale præsigium sentiant . Primum omnium , ærumnas , cædes , populationes , excidia , quibus inuicem fatigantur cogitent : deinde magnam iam creuisse præsenti victoria fortibus viris alacritatem , magnos animos , maximam fiduciam . Deos denique immortales , huic inuicto populo , clarissimo regno , pulcherrimæ regioni , pro tot pollutis templis , violatis altaris , vltro ipsos ad supplicium & poenam nobis in manus esse oblatores . Quod si etiam id , ad quod mihi fato destinati esse videntur effugiant , num illi in genitu tot gentium & populorum quos nefanda tyranni- de premunt , diu se non dicam regnare , sed durare pos-

se spe .

corumq; potentia.

se sperant ? non vident se quamvis ab omnibus relinquerentur suis vitiis & inumanitate obrui ? Tertium genus est eneruatum , opinione hominum robustum ; quo ex genere sunt isti Ianissarij , vnicum suo quoque iudicio imbellis gentis robur . Hi sunt homines abrepti ex sinu Christianorum parentum , fædaque eorum superstitione cum militiæ artibus imbuti . Quos ego omnes strenuos olim fuisse viros , & fortissimos milites scio . Sed iam sunt hi homines , qui insperatis repentinisq; honoribus supra Turcas elati , magis magisque superbè & insolenter ipsis dominantur , quām pro ipsis pugnant . Idem enim honores , quibus abundant , vt incitamentum antea ipsis virtutis , ita nunc soluendæ eiusdem causa fiunt , torpescientibus quoq; Principibus à quorum olim exemplo , ingens his virtus & audacia fuerat . Qui quidem secum etiam ex latebris suis extractos Tartaros in eundem metum & formidinem gétribus ostentant . Quos ego vtrosque in eodem genere timidißimorum & fugaciſsimorum hominum pono . Atque ipsos hoc monco , desinant furere , nubes cohortium equorumque iactare , id enim iam pridem de illis retulimus experimentum , quod tantum instare cedentibus , contra tendentibus , celeritate seipso & prælium auferre sciant . Quartum genus est sanè yarium mixtū , atque turba potius & agmen non exercitus . qui libertatem nunquam viderunt , tubarum clangorem , armorumque strepitum inter fabulas tantum audierunt : qui partim colendis agris , partim gerendis negotijs ,

D 2

paitim

De victoria reportata ex Turcie,

partim aliter sustentare vitam assueti, multi ex agris & ex urbibus in bellum cum Cesar mouetur ire coguntur. Hos ego omnes maius impedimentum bello, quam auxilium adferre arbitror, quibus neque in victoria decus ullum est, neque in fuga flagitium, qui ut in periculum veniunt, libertatis ignari vbiunque seruire liceat, orant. Quintum genus est pellicum, spadonum, lenonum, cæterorumque impurorum hominum, à quibus Turcæ diuelli nunquam possunt, quorum consuetudine si quid etiam habeat ardoris & ferociæ quotidie deterunt. Ultimum autem genus est, non solum ab oris vnde veniunt, sed etiam à Turcarum spe & perfugio, quorum plerosque toruo vultu, criso capillo, perustis sole artubus, nudos aut velis amictos vidimus. quorum omnis virtus & belligandi industria oculis terrendis infumitur. In his gregibus sunt Ægyptij, Syri, Medi, Cadusei, Elimæi, haud paulo mancipiorum melius propter seruilia ingenia, quam militum genus. Hi tam horribiles, tam truces, tam inferno aspectu ac nomine, æstum amare assueti, vix leue pallium ad vitandum solem tolerare consueuerunt. quæ tetra colluuiæ, quomodo sine sanguine iactetur, quomodo pareat videor mihi iam videre. Quid enim sibi isti miseri vellent? num suum secum cælum aut æstum essent in castra ducturi? quem admodum autem sine istis esse nostris præsertim regionibus possent? ubi tecta niuibus terra cælo est similis, ubi albescentes circa ora concrescunt anhelitus; quem admodum autem rigentia gelu flumina, concretas in

faxa

eorumq; potentia.

saxa aquas, niues, tractare pedibus possent? nisi idcirco facilius se rigorem hyemis toleraturos putant, quod nudi suas terras perambulare consueuerunt. O bellum Turcarum magnoperè pertimescendum, cum hæ ipsorum sint cohortes præcipuæ. Conferte nunc Quirites, cum his tam præclaris illorum copijs nostra quoq; præsidia nostrosque exercitus. Et primum Tyranno illi præcipiti ac perditò Regem vestrum vbiuis fortem & felicem opponite. Deinde contra illam sordidam ac vilem gentium colluuiem florem totius nobilitatis & robur animo constituite. Iam verò longo vsu exercitatus miles, duratus omnium rerum patientia exercitus credo suffecerat isti contractæ naufragorum turbæ. Neque verò cæteras copias ornamenta & præsidia nostra cum illius tyranni præda & rapinis cōferre debeo. Sed si omissis his rebus omnibus quibus suppeditabamur, causas ipsas, quæ inter se confligebant, conferre velimus, ex eo ipso antequam manus consereremus, quam valde iam ipsi iacuerant, intelligere possumus. Ex hac enim parte stabat à maioribus nostris virtute partum dominium, illinc rapinæ: hinc clemētia, illinc innocentum hominum sanguis: hinc continentia, illinc libido: hinc ius, illinc iniuria: hinc religio, illinc superstitione: hinc templorum fanorumq; conseruatio, illinc deuastorum pollutorumque piacula. Denique innocentia, mansuetudo, fortitudo, prudentia, virtutes omnes, certabant cum scelere, cum superbia, cum ignauia, cum temeritate, cum vitiis omnibus: postremo bona causa

De victoria reportata ex Turcis,

causacum perdita , mens sana cum amentia, bona de-
niq; ratio cum omnium rerum auditate & auaritia cō-
fligebat. In huiusmodi certamine ac prælio, nonne
etiamsi manus viresque defecissent , Dij ipsi immortales
coegissent à tot præclarissimis virtutibus tot tantaq;
vitia superari? Quæ cùm ita sint Quirites, quis etiam
istud priuatum nostrum bellum, & non publicum no-
mine omnium gentium suscepsum esse dicat? quod ita
à nobis gestum est , vt documento orbi Christiano es-
semus , penes nos ipsos hactenus causas & fuisse huic
prodigio crescendi, & esse adhuc dominandi. At nūc
cùm tantum nos opponere voluimus , statim illi truces
& terribiles gentium inimici ab ipso aspectu in timo-
rem & fugam consternati fuerunt , gladius noster in
acie propè cruentatus non fuit , & velut auium exami-
na ad crepitum primum armorum auolauere. Quæ qui-
dem omnia quanta virtute , fortuna , constantia à no-
bis suscepta, administrata perfectaque fuerunt , altera
actione audietis. Nunc illos fugacissimos ideoque
tam diu superstites Scythes relictos à suis dominis mo-
nitos etiam atque etiam volo. Nostra lenitas adhuc si
ipsis solutior visa est, id expectauit ne quis iam amplius
ipsis quam vietus patrocinari posset. Quod reliquum
est torpere vltra & lacerandum polluendumq; regnum
relinquere sopor & ignauia esset. Non ideo arma sum-
psimus, vt aliena appeteremus, sed vt nostra tueremur,
procùl à nobis omnis fuit arrogantia. Proinde si quie-
scere volent, consulere adhuc sibi possunt: sin verò se
commo-

corumq; potentia.

commouerint, sentient hoc in regno esse fortē Sena-
tum, esse vigilantes ordines, strenuos duces, esse arma,
vires, vnde eadem rursus numina, eadem fata, eosdem
deos, raptores fæderum experiantur. Atque hæc om-
nia ita iam ipsis ex proximo imminere video, vt insigni
generi humano documento futuri esse videantur, ea
sancta ab omnibus credi debere, quæ à se tot per annos
violata fuerunt. Quæ quidem breui ipsis affutura pol-
liceor Quirites, fretus multis & non dubijs Deorum
immortalium significationibus, qui non procul sed hic
præsentes suo numine atque auxilio ad sua templa atq;
vrbium tecta, ad vitam populi sui tuendam vindican-
damque hoc tempore adsunt, quos vos Quirites pre-
cari , venerari , atque implorare debetis , vt quod
regnum pulcherrimum , florentissimum , potentissi-
mumque esse voluerunt, illud atrocissimis iam toti
orbi hostibus superatis à fædissimorum la-
tronum manibus intactum, inuictum,
& beatum æternū
conseruent.

ORATIO

ORATIO III.

De ordine belli gesti in Valachia,
& quæ tunc & ante prodigia
præcesserant.

Ad imitationem Tertie.

Rem publicam Quirites, vitamque omnium vestrum, bona, fortunas, coniuges, liberosque vestros, atque hoc vetustissimum clarissimumque regnum, fortunatissimam pulcherrimamq; patriam, hodierno die, Deorum immortalium, summo erga vos amore, cura, consilijs, auspiciis Regis vestri ex flamma atq; ferro, ac penè ex faucibus fati ereptam & vobis conseruatam & restitutam esse videtis. Et si mæsta atque lugubris omnibus est orbitas & obliuio (quod neq; mors quicquam tristius in se habeat, & vita nihil secum iucundius societate & memoria adferat) profectò (quoniam in eum fructum nati vindemur) esse apud nos posterosque nostros debet in honore dies is, quo primum ex metu ac timore recreati, optatam victoriam pacemq; aspeximus. Nam nobis ipsi sacerbum funus, templis, delubris, teatis omnibus funestam noctem, toti deniq; regno æternas tenebras obliuio.

De ordine belli gesti in Valachia,

obliuionemque depulit. Quæ quoniam a clarissimis ingeniis, memoriarum posterum sancte collecta, conscripta, conseruataque sunt, vobis quoque iam breuiter expnam Quirites, vt quam magna pericula minimo motu, quam horrendum bellum, nullo propè tumultu, gestū, confectum, extinctumq; sit, vos qui ignoratis & expectatis scire possitis. Principio vt paucis ante diebus mors Skinder-Bassam abstulit, cum iræ & fortunæ suæ, cæso in Valachia nostro exercitu, supremum specimen exemplumq; dedisset, iam tum putauimus & credidimus Quirites, vna quoq; cum eo bellum extinctum iri. Nam nisi ipse reuixisset, (qui tot funerum & cladium nobis causa fuit) nunquam similia ab aliquo pericula excitari, aut si excitaretur, sine illo duce infirma ac debilia futura videbantur. Cum Osmanus summo furore & insania inflamatus, velut occasione & absoluendæ victoriæ reliquus bellum renouat, id ynum omnes dies noctesq; vrget, vt in hoc regno quod iam primæ spe & auaritia inuaserat se quam primum videret iactantem & dominantem. Itaque Capudzi-Bassam ad Alexandrum Valachiæ Principem præmittit, atque ita vtrij; præcipit, vt terrore belli omnibus mortalibus formidinem faciant, si tamen clementiam suam quam vim experiri mallemus pacem polliceantur: eo scilicet vtrumque consilio, vt inter alios spe pacis, aliostimo re belli perditos ipse facilem inferret victoriam. Atq; etiam nos Ioannem Carolum Hotkeuicum & Stanislauum Lubomirscium, fortissimos atque amantissimos

E

Reipub:

De ordine bellī gesti in Vālachia,

Reipub: viros, duces in hoc bellum designauimus, iisq; milites eligere, scribere, centuriones accerire, arma, tela, equos comparare permisimus. Lubomirscius qui omnia præclara atq; egregia de Repub: mereri cupiebat, sine vlla mora ad oppidum Skalam, indeq; ad villam Piatnitzany profectus est, atq; ibi ē propinquo ita milites suos habuit, vt inter transactores illos Osmani & ipsum fluuius Nester interesset. Eodem in dies alijs milites congregabantur, & complurium fortium viorum priuata pecunia collectæ instructæq; cohortes inducebantur. Mox aduentu Hotkeuicij, quem aduersa valetudo paulum Leopoli tenuerat, in Valachiā traijciunt, locum castris ad Coccum arcem capiunt, paucisque post diebus eodem VLADISLAVM Principem cum suis venientem copijs accipiunt. Interim Turcæ immenso exercitu appropinquantes ex itinere ad ipsos literas mittunt, pacē in ijs promittentes si ab armis discessissent, & in contrariū interiectis minis. Atq; literæ Viserij nomine & Turcica lingua scriptæ per Veuelliū afferuntur. Cūm verò nonnullis qui in consiliū vocati venerant, ea prius quæ pollicebantur experiri, quām bellū placeret, Ducibus minimè id sequēdū videbatur. Etenim si tantulum titubatū submissumq; esset, animos se hosti daturos putabant, quos in illa quoque multitudine seu dolū seu pacem quæ erent ipsis deelē hoc ipso quod minarentur videbant. Itaq; ex comuni consensu ad mandata quidē apertē, ad literas quæ Turcicæ erant dissimulato intellectu Viserio Hotkeuici ita rescripsit.

Grata

& quæ tunc & ante prodigia precesserāt.

GRATA MIHI EST I. D. T. QVAM EX INTERVNNTIO INTELLEXI IN RESTAVRAN- DA VETERT REGVM NOSTRORVM AMICITIA AC FORMANDA PACE ANIMI PRO- PENSIO. AMBORVM NOSTRVM ID MVNVS EST CONSILIO POTIVS QVAM ARMIS REM GERERE, VT NOSTER HIC ORBIS PACE POTIVS FLOREAT QVAM MARTE PEREAT. EGO OFFICIO MEO NON DEERO. I. D. T. VT STVDIVM SVVM ADHIBEAT AMICE HORTOR. SENSVM LITERARVM I. D. T. QVI MIHI EXPONAT NVLLVM HABEMVS, ET IDEO SI QVID COMMVNIS BONI GRATIA HABET QVOD MECVM CONFERAT, EVROPEO IDIOMATE SCRIBAT. Atque hoc modo Turcæ elusi, pergunt porro immenso agmine in Valachiam, vbi cūm obuius nemo ipsis fieret, in Cosacorum cohortem centum triginta numero, quam ab alijs eo tempore ad nos tendentibus longius populatio extulerat inter Kutnerum & Soltauam incident. Educuntur gladij & ab illis & à nostris: acris pugna conseritur; sustentatur tamen strenuè ab illa parua manu, ignoratur à cæteris. Illic Turcæ diu frustraque se pro ijs afflictando, desperata victoria, noua sibi submitti auxilia ab Osmano petunt. Quia Cosacos esse nuntiatum est, ipse vniuerso cum exercitu aduolat Septuaginta eorum ad proximas montium specuumq; latibras profugos, ora & exitus farmentis atq; virgultis complens, igni exurit, reliquos virtute & necessitate, vnum in locum congregatos, viuos capere nititur. Oc-

E 2

cidit

20

De ordine belli gesti in Valachia,

ciditur Cur-Bassa, abripiuntur complura Turcis vexilla, & promptissimus quisq; cadit aut vulneratur. Tum Osmanus tormenta circumdare, globos excutere, atq; crebris iactibus deiicere campo hostes iubet. Illi contra plostris se claudere, rotas eorum defodere, terra obtuere, pro se ipsis scrobes egerere incipiunt. Quod plus fortasse famē quām fidei habiturum est, pertriduū illa manus tot milibus hominum suffecit. Neq; tamē vi subacti sunt, sed quæsitum noctu effugium dilpersos & inuicem vitabundos ut vigilias fallerent in manus hostium tulit. At Cæsar quanquam difficulti victoria vehementer perturbat, tamen cupidus visendi qui illi tot per annos opes suas spernerent fatigarentq; omnes ad se adduci iubet. Adducti triginta numero, tot enim à tormentis supererant, prout nulla ipsis cultus affectatio est plerique laceri, aut tantum sagulo leues. Inde admiratio, mox indignitas, ex hac ira animum eius subiit, statimq; in tentorio suo, ante tribunal suum, ante oculos, ante pedes suos, Ianissariorum manibus traditos, minutim concidere iubet, eoq; adhuc perfusus sanguine ingreditur viam ferus & immanis. Iam hostis in conspectu erat, iam omnis apparatus, iam labor, iam sudor incipiebat, cùm ire recta Camenecum, & vacuarum vrbiū captiuitatibus insistere, quām cominus certare pro victoria magnificentius existimans, pontem Nestro imponere iubet. Aguntur sublicæ validæ, ferrum catenæque ad firmitudinem comportantur: Polonia ipse ante oculos, florentissimæ prouinciae, populus bello.

Et que tunc Gante prodigia precesserant.

bello clarissimus, sed tamen nisi castra caperentur obstatore rursum vterioribus videbantur. Itaq; præmissis Tartaris, qui longè lateque populantes infinitum in regno terorem facerent, ipse ad accipienda castra subsistit. Neque nostris Ducibus ardor & audacia deest, reddunt subito ostentatum terrorem, & ipsi cum paucitate sua egressi castris, paratosq; iam Turcas inuadere, conspecti pro vallo inopinato sustinuerunt eo die miraculo. Ex eo dies continuos triginta quinque simul oriri solem seq; peti & oppugnari videbant. Nam cùm Osmanus in immensa sua multitudine cōtemnens dannum, vt paucitatem nostrorum quām primum conficeret, nunquam sibi cessandum statuisset, nostri duce-re eum atq; excursionibus carpere in summa integrī belli tutius fore arbitrabantur. Multæ igitur artes, multi impetus hinc atque illinc facti. Osmanus moræ impatiens, & si paululum adhuc adniteretur, capi posse castra existimans, agmen ad scindendum vallum cōtinuo ire iubebat. Nostrī quieti intenti q; cum hostis rueret, alienam stultitiam securi opperiebantur. Versus itaque est breui in hostem terror, quem etiam omisso priori consilio, & ire in Poloniā irritum, & illic morari pudebat. Fatigatus quamuis spe deficiente summa tamen pertinacia hærebat. Et profecto propè etiam vincentium periculo: cùm nos non solū viribus nulla parte auxi, fessi & pauciores, recentes copias acerri-mumque impetum eius quotidie exciperemus, sed etiā præter bellī mala fame & pestilētia per pecora, per ho-

De ordine belli gesti in Valachia,

mines vulgata clausi magna adhuc vi & multitudine hosti suppetente tenebamur. Denique quo ipsa necessitas ducebat, virtute & audacia exitum quærere nosq; omnes victo toties hosti eripere Duces decernunt. Id noctu an interdiu faciendum foret cōsultant. Nox potior visa est, cūm Turcas pro seipsis incautos neglectis vigilijs, securitate somnoq; solutos procumbere à trāsfugis nuntiatnm esset. Itaq; secunda fermè exacta vigilia, datur militibus signum: centuriones eos quid fieri placeret docent: egrediuntur omnes summa alacritate munitionibus; consistunt occulti ad castra hostium. Iam prouisa, parata, instructaque omnia erant, cūm ad signum tantum rem eggrediendi attentum militem, repente imber ingentibus procellis fusus, prope que iam diem continuus in castra redegit. Atque his omnibus altero die per trans fugas Osmānus auditis cognitisque adeo pertimuit, vt non modo voluntatē vitoriae, verum etiam spem salutis nuntio illo debilitatus atq; timore abiectus proiecerit. Cūm trepidaret, cūm teneretur, cūm viam aliquam fugæ circumspiceret, vnum incidit quod adhuc ipsum tenuit. Aduerbat cum nouis copijs Caracas-Bassa, & tunc in ore sermonibusque istorum erat audax, Cæsariq; propter audaciam & similem furorem carus. Quo die igitur is castra tetigit, eumq; aspexit Cæsar, tantam animo spē concepit, iterumque in veterem amentiam exarsit, vt statim eum ire, totisq; viribus fortunam tentare iubet. Bassa contemplatis nostrorum castris, tametsi vi-

deret

Et que tunc & ante prodigia precesserant.
deret, quantum difficultatis periculiq; in oppugnandis contraheretur, fortunam tamen suam desiderari quād fidem maluit. Ille verò summa iam spe victoriæ iatratius solitum edendi morem integrumq; prandiū distulit, nec nisi victorem se barbaro more atq; in castris nostrorum cænaturum voulit. Igitur Caracas eductis omnibus copijs, vallum armatis ambit, vbi quisq; curaret disponit. In latus autem Vaierij Palatini Culmensis, qua parte tenuis porrigebatur planities in aduersa sylua militem abscondit: alium præsultare castris cumque vbi nostri institissent oblique cedere iubet, vt ipse cum prioribus ex insidijs erūpens clauderet nostris a tergo reditum. Postquam sic omnia parata dispositaq; erant, da tur cohortibus signum cornuaque & tubæ coctinuere, clamor ingens exoritur, pugnatur vtrinq; extremis viribus, nec visquam in toto prælio atrocioribus animis. Referunt ex præcepto illa parte hostes pedem: nostri ignari doli instant. Iste cūm id vidit, detecta facie strictoq; ferro suis præcurrat, sed in volantia ex adverso tela temere illatus globo statim tangitur, patefactoque per frontem lethali vulnere concidit. Sensit vtraqua acies casum viri, momentoq; temporis & hostium turbatus ordo, & nostri velut tum signo dato coorti ingentē cladem edidere. Enim uero tunc Cæsar ultima iam spe conatuque depulsus, obstupefactus & perterritus nostra fortitudine, consilia sua damnare, temeritatem excorari, circumspicere finem, cupere iam aliqua honeste euolare aut conditione pacisci. Ita eum non modo

De ordine belli gesti in Valachia,

modò furor ille & immanitas qua semper valuit, sed etiam propter vim periculi præsentis ac manifesti audacia qua superabat omnes partinatioq; defecit. Itaque Radulio Moldauiæ Principi negotium dat, ei que mandat, uti omni modo pacem nobis persuadeat, cædes, incendia, aliaq; à Tartaris nobis tunc illata damna ob oculos ponat, simulque spem in sua æquitate, clementia quam maximam Ducibus faciat. Quæ omnia in hūc modum composita, scriptis Vngaricè literis per Veuellum, qui sibi iam antea procreationem rerum nobiscum agendarum depoposcerat nobis redduntur. Ac mihi quidem Quirites, cum pridem manifesta indicia hostis victi atque timore perculti videbantur, sollicitatio Cosacorum, literæ, artes, doli; tum verò manifestiora ista visa sunt, dolor, oculi, vultus, taciturnitas, sic enim ex prompto illo & alacri factus erat tristis & demissus, sic à cælo hoc & regno auersus, sic ex dolore mutus & taciturnus, ut illum victimum esse ac perditum, non modò alij cōiectare, sed se ipse indicare videretur. Acceptis lectisque literis, consultatum fuit de summa rerum quid fieri placeret. Dictæ sunt a principibus yiris acerriæ ac fortissimæ sententiæ, quas denique cum tristior bello famæ & pestilentia reiiceret ad pacem transitum est. Et quia hæc antiquis conditionibus stetit, quid tamen tunc adiectum Turcis fuerit exponam. Primum ut pons ipsorum documentum victoriæ, trai-ciendoque nostro exercitui relinquatur: deinde ut priores castris decederent. Quæ vtraque paulum di-sceptata

E que tunc. *E* ante prodigia præcesserant. sceptata concessa ad extreum fuere. Ergo statim magno strepitu & tumultu castris egressi, nullo certo ordine, neque imperio, cum sibi quisque primum itineris locum peteret, & domum peruenire properaret, fecerunt & consimilis fugæ profectio videretur. Atq; hic summa prudentia vsus est Lubomirscius noster Quirites, vt cum tantam vim ac multitudinē hostium, tamq; cito insolentissimos eorum spiritus retrudisset, quod & bellū atrocius postea redditū pacem absoluere, & pacem faciatus eorum sanguine incruentam patriæ retulerit. Nam illud quod faciendum fortasse quisquam putasset, sine ipso factum atq; trāfactum est. Etenim Osmanus quanquam laceratus ac propè exutus exercitu, neque occulte surripi, neque impunè eripi potuit, tamen securitati patriæ donatus, ludibrio potius suorum quā triumpho nostro seruatus est, ut tandem non eruptus ex eius manibus, sed datus aliorum feritati & vindictæ fuisse videatur. Nunc quoniam Quirites, huius accerimi periculosisimiq; belli horrendum ducem victimum confectumq; videtis, existimare debetis, omnes Turcarum copias, omnem vim ac furorem eorum vñacum ipso concidisse. Quem quidem cùm à patria vestra repulisti, hoctenete Quirites inter reliquorū ocia, inter somnos & libidines neminem iam tantum posse in vestram perniciem ardere. Ille erat timendus unus ex omnibus, & tam diu dum viueret, omnia norat, omnium aditus tenebat, tentare, instare, tractare, arte, mercede, dolo, amabat, sciebat: erat ei animus imma-

F

nis,

De ordine belli gesti in Valachia.

nis, obstinatio parà libidine vero eum neq; consilium
vllum, neq; periculum retinebat. Neq; verò cùm ali-
quid mandauerat, confessū putabat: ipse obire, occur-
rere, laborare, vigilare, frigus, sitim, famem ferre vo-
lebat, poterat. Hunc hostem tam acrem, tam paratū,
tam audacem, tam callidum, tam in libidine vigilantē,
tam in proposito diligentem, nisi furori suorum super-
stitem tradidissemus (dicam id quod sentio Quirites)
nondū illam molem belli à ceruicibus nostris depu-
lissemus: non ille Constantinopolim iuisset, non illic
tantulum hæisset, neque illam eundi in Arabiam abii-
ciendorum conatum simulatione susceptam viam de-
nuntiaisset, neque commisisset vñquam vt literis, le-
gationibus, inducias, pacem, fædera, aut si quid his a-
mitius est renouassent legati sui. quæ nunc illo sublato
sic gesta sunt, vt his quæ memorauī, pro ipsius furore &
infaria abundè nobis iam à Turcis litatum esse videa-
tur. Quod si ille ad hanc diem viuus remansisset, quā-
quam quoad vixit omnibus eius consiliis obuiam iui-
mus, atque obstitimus, tamen vt leuissimè dicam, di-
micandum nobis adhuc cum illo fuisset, neque nos vñ-
quam dum ille viueret, Rem publicam tanta pace, tan-
to ocio, tanto silentio à Turcis quietam habuissemus.
Quanquam hæc omnia Quirites ita sunt administrata,
vt Deorum immortalium nutu atque consilio, & gesta
& prædicta esse videantur. Idque cum conieatura co-
sequi possumus, quod vix videtur humani consilij tan-
tarum rerum administratio fuisse, tum verò ita præsen-
tes

Et qua tunc Et ante prodigia præcesserant.

tes his temporibus opem & auxilium nobis tulerunt, vt
eos penè oculis videre possemus. Nam vt illa omittā,
erupisse multis locis insuetis nouos fontes, aquarumq;
scaturigines, vt terræ motus, transisse de suis locis & a-
libi sedisse ingentes cliuos, cæteraque quæ tam multa
post primi exercitus cladem acciderant, vt ista quæ ap-
propinquabāt, canere Dij immortales viderentur. Hoc
certè quod dicturus sum neq; prætermittendum, neq;
relinquendum est. Nam profectò memoria tenetis
Quirites, Hotkeuicio & Lubomirscio cum Turcis cō-
fligentibus, quæ tunc damna prodigiaq; nos afflixere
terruereque. Strage villarum pecorumque super ripas
effusi fluuij, plana, edita & secura quoque eiusmodi ca-
suum sæpius sæuiusque repetito malo inundauerunt:
cælum obscuris noctibus plurima luce refulsit, videri-
que visa sublime ferri per aerem aquila, ardentes faces,
concurrentes columnæ. Quo quidem tempore, cedes,
incendia, & totius regni interitum & occulum appro-
pinquare omnes timuimus, nisi dij immortales omni-
ratione placati, suo numine propè fata ipsa flexissent.
Itaque statim cùm nihil spei aut auxilij, videmus ad
Deum & vota conuersi fuimus, neque res vlla quæ ad
placandum Deum pertineret ab Episcopo nostro &
populo prætermissa est. Hic quis potest esse Quirites
tam euersus à vero, tam præceps, tam mente captus,
qui neget hæc omnia quæ videmus, atque hoc præci-
pue regnum Deorum immortalium nutu atque pote-
state ex hostiis manibus ereptum & seruatum esse?

De ordine belli gesti in Valachia,

Hæc enim omnia, illa ipsa nocte qua circummittebatur
à nostris Ducibus Turcarum castris exercitus, à quibus
etiam tempestate repulsus fuit conspecta, visa,
que omnibus fuerunt. Illud verò nonne ita præsens
est, vt nutu Dei Opt: Max: factum esse videatur; quod
cum supremis appropinquaret, animamq; ageret Hot-
keuicius, atq; imperium deponeret, cælo tunc sudo &
fereno, armatus vir medio meridie diu in aere compa-
ruit? quo quidem viso, prospera omnia salutem & vi-
ctoriam animis nostris concipere cæpimus. Quo qui-
dem maiore nunc orbi documento fuimus, bellantibus
cum Deo omnia prospera contingere, experti tantum
hostem, à quo alij obruti fuerunt, non modo sine clade
nostra, sed ne cum periculo quidem vlo. Cui si nos re-
stitisse dicamus, nimium nobis sumamus & non sumus
ferendi. Ille ille pro nobis Deus noster restitit, ille co-
ronam, ille hæc templa, ille vrbes, ille regnum, ille nos
omnes saluos esse voluit. Deo nos duce salutem victo-
riamq; retulimus; atq; ad tantam gloriam peruenimus.
Nam illa obstinatio Osmani, illi eius conatus, doli, il-
læartes, ille sitiens sanguinis animus, tot ahnorum ap-
paratus, tot yndique contracti populi labefactari ac
frangit am cito nunquam profecto potuissent à nobis,
nisi tantæ audacia consilium a Deo fuisse erexit.
Quid verò, vt iuuenis amens & promptus ferocibus,
stimulatus a Bernauio Valacho, acceptisque ab eo de-
cem & aliquot nostrorum captiuis, vt relicta castrorū
oppugnatione in terram statim hostilē signa inferret,

spem

E quæ tunc *E* ante prodigia præcesserant.
spem factam & consilium desereret? id nonne diuini-
tus factum esse putatis? præsertim cum a nemine quic-
quam auxilij, & domi arcendo malo, nihil adhuc prô-
ptum prouisumque haberemus. Quamobrem Quiri-
tes, quoniam nihil vobis salute patriæ vestraq; potest
esse iucundius, celebratote hunc diem cum coniugibus
& liberis vestris. nam multi sæpe honores diis immor-
talibus iusti habiti sunt ac debiti, sed profectò iustiores
nunquam. Erepti enim ex crudelissimo ac miserrimo
interitu, & erepti sine cæde, sine sanguine, propè vt di-
cam sine exercitu, sine dimicatione Deo duce & autore
vicistis. Etenim recordamini Quirites, vestra cū Tur-
cis certamina, neque solum ea quæ audistis, sed & ea
quæ vosmet ipsi meministis & vidistis. Haufit iam sæ-
pius vestrum sanguinem immitis Valachia, multiq;ue
illuc fortés viri, partim capti sunt, partim interempti.
omnis ille locus aceruis ciuium vestrorum & ducum
sanguine redundauit. cessit postremū eidem fortunę
Zolkeuius: tum verò clarissimis viris intersectis, lumi-
na regni extinta sunt. Abreptus est & antea eiusdem
fortunæ vi ad Mochatzium Ludouicus Rex Vngariæ,
ne dici quidem opus est, quanto dolore & calamitate
suæ Reipub. Neque deinde Vladislaus Rex noster si-
milem sortem vitare potuit, cui sicut antea secunda for-
tuna rebus supra vota fluentibus plurimas de Turcis
victorias attulerat, ita postea aduersa, destruens quæ
cumulauerat ad Varnam omnem eidem victiarum
gloriam, ipsamque vitam abstulit. Atq; illa certami-

De ordine belli gesti in Valachia,

na erant huiusmodi Quirites, quæ non ad delendam
Rempub. pertinebant; non Turcæ nullum tunc esse
hoc regnum, sed id quod esset sibi esse securum, neque
ipsi his in partibus florere, sed a se vim nōnullorum in
se consurgentium repellere voluerunt. Atq; ita tamē
omnia eiusmodi fuerunt, vt non vniuersa opum & po-
pulorum vi, sed plerunque Tartarorum & Ianissiorū
opera transacta fuerint. In hoc autem vno post homi-
num memoriam maximo crudelissimoq; bello, quale
bellum nulla vñquam barbaria cuiquam genti intulit,
hęc lex fuit ab Osmano constituta, vt nulla felix arbor,
nihil frugiferum, nihil viuum, nec nisi nudum & aridū
solum relinqueretur, tamen ab hisce omnibus malis
seruati sumus, & cùm hostes nostri tantum ciuium su-
perfuturum putassent, quantum infinitæ cædi elapsum
fuisse, tantum autem vrbium quantum flamma obire
non potuisset, & vrbes & regnum & nos omnes salvi &
incolumes remansimus. Quæ cùm ita sint Quirites,
nullum ego trophaeum victoriæ, nullum rerum a vobis
gestarum monimentum, nullum triumphi insigne vt
alicubi habeatis postulo, præterquā huius diei memo-
riam sempiternam. In animis ego vestris omnes triū-
phos vestros, omnia insignia, omnia monimenta con-
di & collocari cupio. Nihil mutum, nihil tacitū, nihil
denique huiusmodi quod inuidiam alicuius prouocare
possit tantis rebus par esse poterit. Victoriæ huic ve-
stræ vt gloria infinitæ, ita nonnisi animo, qui immensus
est, rebus a vobis gestis quæ æternæ esse debent, nonnisi

memoria,

Et que tunc & ante prodigia præcesserat.
memoria, quæ mortem omnem & obliuionem vincit,
responderi poterit. Eandemque diem intelligo, quam
spero æternam fore, & ad salutem regni, & ad memo-
riam Principis nostri propagandam. eodemq; tempore
in hac Repub. fatalem nobis iuuenem datum esse, qui
non solum hostem funus & tenebras huic regno affer-
tem, a ceruicibus nostris repelleret, sed etiam omnes
victorias laudesque alterius Vladislai recuperaret,
quem tunc demum hostis à Varna in se iterum susci-
tatum sensit, cùm in mucronem eius incidit. Sed quo-
niā huius bellī quod gessimus, non ea est fortuna &
conditio ac illorum quæ huiusmodi odiis committun-
tur, quod nos hostem victum ac perditum emisimus,
alij hostes aut imperfectos aut oppressos relinquunt,
nostrum est Quirites, si nobis nostra hæc moderatio
apud hostes prodeſſe nolit, ne tamen obesse possit
prouidere. Quanquam quid iam nobis ab his hostibus
noceri possit, non video. Magnum est enim nobis
ex alto præsidium comparatum, magna fortuna Chri-
ſianorum, magnum & terribile nomen nostrum, ma-
gna vis conscientiæ, quam vbi hostes respexerint, ea-
dem mala, eadem fata timebunt. Est etiam is in nobis
animus Quirites, vt non modo illorum audaciæ cede-
re, sed prius mortem oppetere, quam maiorum no-
strorum gloriam contaminatam esse velimus. Atque
id cùm ex aliis tum ex eo intelligi potest, quòd cunt
pridem ipsi ad commune aliarum gentium exemplum
legatum

De ordine belli gesti in Valachia,

legatum aliquem ut perpetuum Byzantij haberemus, exposcerent, non modò neminem vnquam illuc destinauimus, sed hisce periculosisimis temporibus Christophori Ducis in Zbaraz virtute, fide, prudentia, constantia, ne amplius in posterum eius rei mentio fieret, obtinuimus. Quamobrem Quirites, cùm neque in gloria virtutis, neque in honore vestro optare iis quæ nobis euenerunt quicquam maius potuistis, veneramini Deum illum vindicem huius regni ac vestrum, eique gratias sempiternas agite, & quanquam periculum omne à vobis depulsum est, tamen æquè vt antea fecistis, ad ilium recurrite. Is ne vnquam yobis aduersi eueniat, atq; yt in perpetua pace esse possitis, prouidebit.

ORATIO

ORATIO IV.

De vindicandis incursionibus Taratarorum ; cum iidem Anno 1623. longè lateq; omnia ferro & flamma proterentes Canzugam vsq; progressi ingentem populationem edidere.

Ad imitationem Primæ.



Vousque tandem Quirites circum ora oculosque nostros ferox impunitate volitabit Scytha? quam diu nobis etiā eius insultabit insolentia? quem ad finem sese effrænata iactabit audacia? Nihilne nos ad vrbes concursus hominum, nihil ad sylvas & latebras fuga agrestium, nihil dira vastitas, nihil ciuium, nihil coniugum, nihil liberorum sub ferro aut vinculis gementium ploratus mouebit? Pati id iam pridem patriam nostram non videmus? constrictam ludibriis ac tormentis vesani hostis premi non sentimus? Quid hoc, quid proximo, quid superiore, quid alijs retro annis rapuerit, quo usq; permeauerit, quot millia mortalium abduxerit, trucidauerit, etiamne ignoramus? O tempora, ô mores! Rediimus nuper ex victoria, terribilem humani generis pestem Turcam compressimus, arma adhuc in manibus habemus: hic tamen venit: venit? imo verò in

G

sinum

27

De vindicandis incursionibus Tartar.

finum nostrum pergit, hanc urbem quærit, flammaque
pererrat terram Tartarus. Nos verò viri fortes, dum
istud intra pomæria habemus Diui Andreæ fanum, vn-
de olim vrbs hæc istaque omnia mendicabulorum ope-
seruata erant, hostem non pertimescimus. Procul eum
ferro submouere iam pridem oportebat, in ipsum træf-
ferre pestem hanc qua ille iam diu intra viscera nostra
furit. An verò iniuria Moschorum ob retentos lega-
tos, atrocissimum hinc sibi bellum euocauit, nobis Re-
gique nostro arma induit: furor Tartarorum cæde &
catenis patriæ persulantium nullis manibus compri-
metur? Nam illa nimis antiqua prætereo, quod An-
dreas Massouius Lithuanorum populationem priuatus
non tulit, sed penetratis vñus sua sponte eorum castris
Dauidem Ducem in compedium vindictæ ac hostium
manu sua sustulit. Fuit, fuit ista quõdam in hoc regno
virtus, vt quod egregium in regibus admirari, id neque
in priuatis desiderari potuit. Habemus enim quæ sem-
per cuique nostrum affuit, propriam huic regno forti-
tudinem, non desunt nobis consilia, neque Regum no-
strorum fortunata auspicia: nos nos apertè dico Qui-
rites desumus. Missus est quondam Tarnouius, vt à
Valachorum insolentia Pokucium vindicaret, nulla
mora intercessit, & illos inde exegit, & in suam terram
fugientes prosecutus iterum illic immensum eorum
exercitum quatuor millibus fudit, fugauit, suaque da-
mma & terrorem hosti reddidit. Pari manu & animo
Ioannes Zamoscius aduersus hunc ipsum Scytham, ali-
quid

De vindicandis incursionibus Tartar.

quid tum mouentem, antequam ipsum vidit, iuit, im-
petumque eius in alieno solo ita retinuit retuditque, vt
diu postea nulla arma ac vix nomen eius in hoc regno
fuerit. At nos propè viginti annos, venire & abire hūc
hostem patimur, nostro tantum sanguine cruentum.
Habemus enim parem maioribus animorum spiritum,
veruntamen in imo pectorum clausum, tanquam gla-
dium in vagina reconditum: quo statim inter initia ho-
stem insequi, per paludes & errores suos vindicta quæ-
rere, vnoque egressu extreum illi regressum facere
oportuit. Venit, & venit vt amplius contineri non
possit, qui ita in perpetuum comprimi poterat. Cupio
Quirites vos esse circūspectos, cupio ad pericula Reip:
non præcipites haberi, sed me iam vestræ tarditatis tæ-
det. Hostis patriam tenet, quod inter Sanum & Nestrū
terræ est Polonorum cadauera tegunt, omnia clamori-
bus ciuium opem implorantium strepunt, spumant de-
colores cruento fluuij impletiq; humanorum corporum
strage gurgites, vada iam ad nos faciunt. Si vos quam-
primum ire, si prædam, si viam hostibus eripere, si idem
exitium in terram eorum vertere iussero, certè veren-
dum quoque erit, ne non hoc potius segnius à me per-
suasum, quam quisquā fortius a vobis factum esse pu-
tet. Verū ego hoc quod iam pridem factum esse o-
portuit, nondum adducor vt vobis persuadeam, tum
denique ad id vos cohortabor, cum iam nemo erit tam
imprudens, tam imperitus, tam rerum ignarus, qui nō
ut us esse id, quam pellere tantū patriā sequius redditurū

De vindicandis incursionibus Tartar.

hostē fateatur. Quamdiu quisquā erit, qui suo sensu timida consilia vt cauta fouebit, manete in patria: & mane-
te non vt nunc manetis, vt commouere vos loco non
velitis, sed vt eadem quæ nuper in Turcam tulistis ar-
ma & manus domum retulisse videamini. Etenim num
Ieuis belli causa est Quirites, num non satis iusti dolo-
ris? si neque modestia nostra liberi ab eorum petulan-
tia, neque locorum secreto aut recessu, securi ab eorum
audacia esse possumus? si violentur, si cruentantur om-
nia? Deponite iam istam conctationem: non quietē
habebimus, nisi eam nobis fecerimus: laceramur con-
tinuo, morte grauior iam est eorum insolentia. Quam
etiam licet mecum recognoscite. Meministis né Zol-
keuium ab iis ante annos quatuor, cum componendarū
cum Skinder-Bassa cōtrouersiarum causa ad Orinimum
venisset in castris oppugnatum? num eos tenuit Quiri-
tes, non modo inter duos populos pacistractatio diu
optata, diu desiderata, diu expectata, verū id quod
multo magis est admirandum, si modo Zolkeuius per-
misisset aperta cædes? Ibat anni duo sunt Leopolim
Rex, tum cum vndique conclamatum esset ad arma, &
vos vniuersi contra ingruentium vim Turcarum sub si-
gna & vexilla concurreretis, num inficiari potestis, non
ipsum per aduersa eorum agmina ac penē ad singulos
gradus, obiectos cuneos tetendisse? vñā cum eo regni
totius salutem, omnium nostrum fata in discrimine fu-
isse? Quid? cum iidem Christophoro Duci in Zbaraz
Constantinopolim eunti insidias ybique tetendissent?

nonné

De vindicandis incursionibus Tartar.

nonné propè in ore patriæ, sacrum legatorum ius vio-
lissent, nisi legatus cum delecta suorum manu, pacifi-
catum eo quo ad prælium modo iussiſet? Nihil susci-
pimus, nihil instituimus, nihil agimus quod illi nō mo-
do non turbent, verum etiam impedian, planeque cru-
entent. Recognoscite tandem mecum hanc postremā
populationem, iam intelligetis quanto illi acrius vigi-
lent ad perniciem, quam nos ad salutem Reipublicæ.
Dico illos nunc irrupisse (non agam obscurè) ductu ali-
quot flagitiosorum nostrorum ciuium, quos metus pæ-
narum & scelus hinc ad eos transtulerat. Num negare
audetis? quid cælatis? conuincam si vultis: illi enim
fuerunt quos in comitijs proscriptis. O dij immor-
tales, vbinam gentium sumus? quam Rempub: habem⁹?
quo in orbe viuimus? Hinc, hinc sunt ex nostro nu-
mero Quirites, ex hoc communis patriæ, quæ nos simul
genuit & aluit gremio, qui de nostrum omnium interi-
tu, qui de rerum atque adeo Regum nostrorum exitio
cogitant; hosce nos nō subito puniuimus: cū his mol-
liter & per dilatones egimus, & quos reos trucidari sta-
tim oportebat, eos vt hostes haberemus emisimus. His
igitur ducibus veniūt Tartari, qualibet velut per aper-
ta & inuitantia intrant, extruunt latrocinijs receptacu-
la, deligūt qui ad eorum excubias maneant, qui prædas
agant, dimittunt in omnes partes cuneos. Non iam ex
Russia aut illa parte Sani clamorem & fremitum audi-
uimus, sed hinc & propè vidimus hostem, fumus ex in-
cendijs villarum agrorumq; ora & oculos nostros ferie-

G 3

bat:

De vindicandis incursionibus Tartar.

bat: inopinato quos simul vescentes lætitia, quos simul quietos somnus habuerat ad cædem aut vincula rapti: plurimæ imminètum nesciæ, illustres domus lugubres factæ aut vacuæ, & quicquid superest id tantum fessus hostis reliquit. Hæc verò omnia nonné alij nobis futura prædixerunt? nonné etiam ipsi præsensimus? & tamen num consultum iuimus? num vallum alicubi aut fossam duximus? num castella, num munitiones, num exercitum vspiam opposuimus? Quæ cum ita sint Quirites accingimini: capite aliquando arma: prouocat hostis, expurgiscimini. Nimium diu iam demissis manibus furorem eius spectauimus: sumite arma quibus gloria est carissima, sin minus salus; purgate patriam, liberate eam falso hoc metu, ne ista Scythiam esse credit. calamitas hæc non dissimulari, non ferri, non ultra pati potest. Magna diis immortalibus habenda est gratia, atq; huic ipsi vrbis regiæ & coronæ custodi Stanislao, quod hanc tam tetram, tam horribilem, tamq; infestam Reipub: perniciem toties iam effugimus. non est sæpius nostra patientia, in aleam mittenda summa salus Reipublicæ. Quamdiu circa extrema regni hærebant Tartari, tam diu hic solitudine & recessu nos defendimus, cum adhuc intra Russiam consistebat eorum populatio aduersus eorum nefariam audaciā nostranos ignota nemora nostræq; villæ tuebantur: denique quoties petiti fuimus, alieno periculo restitimus. Nūc iam superato Sano vniuersi petimur, templa deorum immortalium, tecta vrbium, vita omnium ciuium,

Polonia

De vindicandis incursionibus Tartar.

Polonia deniq; tota ad exitium & vastitatem vocatur. Quare quoniam ad id quod præcipuum atq; huius regni fortitudinisque maiorum nostrorum propriū fuit, vos hortari non audeo, hortabor ad id quod videtur esse ad securitatem tutius, ad quorundam opinionem melius. Nam si vos in eorum terram exire hinc iussero, residebit in animis multorum ex discessu vestro orbitas & casus patriæ: sin (quod iam pridem fieri oportuit) in vestro solo vno saltem congressu acerba omnia hosti feceritis, euentu facilia deprehendentur, quæ de liberantibus ardua videtur. Quid est Quirites? num dubitatis me id adhortante facere, quod vestra sponte facere debebatis? Ire vir viros in hostem iubeo. interrogatis me quid spondeam? victoriam: sed etiamsi apertam morte, ire tamen suadeo. Quid enim est Quirites, quod etiam finitimos respicere non velimus? cùm circa hoc regnum nulli sint, qui non perinde rebus nostris quiescentibus quiescant, ac motis moueatur. Quis autem est hic terror nominis nostri? quæ apud longinquos cura reverentiæ? quæ nostra in tuendo regno vigilantia? qui illud pacatum & amplissimum à maiorib; nostris nobis relictum, sicut accepimus seruare & continere posse non videmur, cùm tamen pro claustris & munimentis quæ huic terræ natura denegauit, habemus ab iismet quibus hæc omnia steterunt, datas nobis manus & arma & in his omnia. Quid verò nuper? cùm expeditione Turcica, vacuas Provincias discessu nostro secessimus, nonné intētos in occasionem Moschos sen-

simus?

30

De vindicandis incursionibus Tartar.

simus? quod ego prætermitto, & facile sileri patior, ne tantum facinus plus quam in literis ab iis acceptis aut extitisse, aut nondum vindicatum esse videatur. Prætermitto odia & inuidiam plurimorum, quæ omnia nobis è proximo iminere non ignoramus. Ad illa venio, quæ non ad rerum suspiciones, non ad interpretationes cuiq; liberas, sed ad priuatum nostrum ruborem, atque ad domesticam nostram calamitatem pertinent. Potestne nobis Quirites huius victoriæ gloria, aut huius ex bello redditus lætitia esse iucunda, cum sciamus esse neminem qui nesciat, nobis reducibus læpius iam Tartaros venisse? multa libera capita, magnam vim agrestium, multa millia pecorum abstulisse? saluti & incolumenti nostræ non aliquam nostram curâ aut ipsorum timorem sed fortunam regni profuisse? Aciam ista omitto, neque enim sunt aut obscura, aut dudum commissa. Quoties agros nostros depopulati, quoties vrbes ipsas aggressi sunt? quid profecimus patientiâ, nisi ut plures & ferociores in facile tolerâtes rediret? Quot verò incursions, quas præmoniti parua manu auerte-re potuimus nostra negligentia transmisimus? Nihil agunt, nihil moliuntur, nihil cogitant, quod nos vnquam fugiat: neque tamen pati & sedere desinimus. Quoties iam, quoties iam gladijs ad gladios vestros hic hostis concrepuit? quoties verò in mucrones vestros incidit? neque tamen eos cruentare vultis: qui quidem cui tandem victimæ sint à vobis reseruati nescio, quod eos in corpore fædissimi hostis defigere non velitis? Nunc

verò

De vindicandis incursionibus Tartar.

verò quæ nostra est ista quies? sic enim loquar, non vt affectu commotus esse videar, quo deboeo, sed vt admiratione quæ quoq; nobis debetur. Iuimus paulò ante in Valachiam, num omnia quieta & integra sicut reliquimus inuenimus? Si id rebus adhuc prosperis contingit, quid sperare debemus aduersis? cùm viatores gravissima fuerimus nostrorum inuidia oppressi. Quid, quod discessu nostro Riga excidit? Quid, quod ciuitates, quas constantes & fideles credidimus, simul atque profecti fuimus, intestinis machinationibus agitari & conuelli cæperunt? Quo tandem animo id ferendum putatis? Aliæ me hercle gentes, si se hoc pacto à suis negligi cernerent, aliter se æstimados vel ipsorum exitio docerent: vos periculo Scytharum non arbitrabimini? Et quamuis ab iis perituros se statim cernerent, mori potius non inulti, quam equis oculis id intueri præoptarent: vos cum multorum bellorum euentu & virtute pacata vobis & integra omnia facere possitis, dubitatis quorum animos mentesq; vestra lenitate laxastis, eorum constantiâ hostium terrore firmare? Si vobis, vt olim Coriolano matres & parentes occurserent, atq; vti se, coniuges, liberosq; paruos obseffos è manibus hostium eriperetis orarent, vt opinor etiamsi moriendum esset arma caperetis. Nunc vobis patria, quæ communis est omnium nostrum parens, deformis belli malis occurrit, & iam diu defessa luctu pauoreq; victa, vt se sibi vobisq; seruetis orat: eius vos neq; preces, neq; calamitas, neq; vestra in eam pietas mouere poterit. Quæ

H

etiam

De vindicandis incursionibus Tartar.

etiam Quirites sic vobiscum agit, & quodāmodo tacita loquitur. Nullum iam tot annos noui hostem quam Scytham, nullam me fieri sentio, quam Scythiam, nihil propè vltra mei video, quocunq; circumfero oculos, cruenta sunt omnia & euastata. 'dedi millies sanguinē: quod adhuc spiro, quod vocem mitto, arma quæ sine viris veniebant id effecerūt. Potuisse vos id à me auertere certo scio: noluisse ne sciam, vosmet facitis. plus mihi vastitatis attulit secunda vestra fortuna quam aduersa: in bello capi non potui, in pace ab hoste non requiei. Quamobrē agite, finite sciam, terranē hostium sim, si me deseritis, an vestra patria, si me liberatis." Hæc vt dixi vobiscum si patria vestra loquatur, nonné impetrare debeat, etiamsi vobis pro ea moriendum esset? Quid, quod toties iam hunc hostem vicistis: quid quod eum ad latebras suas, ipso agminis sono pepulistis? Cælum, syluæ, & inter ignota errores ipsi saepius vobis illos captos ac velut vinc̄tos tradiderunt. Nuper inter inuia adeptus eos Lubomirscius cum ad Piatnitzanum exercitum opperiretur, illâ quam habuit manu prædā illi & fugam eripuit. Quoties ita in manus venerunt Zbarauis, Iazlouecciis, Sienauis, Korecciis, Strussiis: quoties ab agrestium manu fæde pulsi, fugati, cæsi sunt? Sed quam longe id videtur vobis à communi bello & confictu abesse debere, quos priuati sape cùm voluntis cæcidisti? Quæ cùm ita sint Quirites, dubitatis si in modestia nihil spei est, ad arma transire pacemque tot incursionibus violatam iusto pioque bello parare?

Refer

De vindicandis incursionibus Tartar.

Refer inquitis ad alios, & si idem quoque illis erit animi, paratos vos esse dicitis. Non referam, id quod promptum vestræ virtuti esse debeat, quis tamen sit sensus omnium, vt mecum cognoscatis faciam. Egediūni ad bellum Quirites, ab hostibus liberate patriam: si ducem expectatis, ite mecum. Quid est Quirites? ecquid animaduertitis omnium silentium? patiuntur, tacent. Quid expectatis sententias consultantium, quorum voluntatem tacitorum perspicitis? At si hoc idem in Ferdinandum Imperatorem, si in aliquem alium amicum populum suclamarem: iam mihi hoc ipso in loco quotquot adsunt iure optimo vim & manus intulissent. De Tartaris autem cùm tacent probat, cùm patiuntur decernunt, cùm quiescant sequuntur, neque solum illi, qui cum illis videlicet in singulas horas capite dimicant suo, somnum & quietem sine cura & metu caperent non possunt: sed etiam cæteri equites Poloni honestissimi atque optimi viri, quorum & in laboribus alacritatem, & in vindicta fortitudinem, & Voces in re ipsa perspicere possetis, qui sibi causam & viuendi fortiter mori, & moriendi victoriam vel pacem putant. Quanquam quid loquor? vos vt statim pacem speretis? vt illam habeatis vt hostem a fuga non redeuntem, vt diu quiescentem videatis? vt inam id dij immortales vobis donarent. tametsi video, si nūc pertimuerit, si cessauerit, quanta vis mali, si minus in præsens recenti vestro terrore, at in futurum impendeat. Sed erit & istud tanti, dummodo à tot malis ali-

H 2

quando

De vindicandis incursionibus Tartar.

quando respiremus, atque à tot annis habeamus securitatis vnicum diem. Sed ille ne amplius commouetur, vt pertimescat, vt desinat, non est expectandum. Neque enim is hostis est Quirites, quem aut facetas à præda, aut lassitudo à crudelitate, aut timor ab audacia reuocarit. Quamobrem vt sæpe iam dixi proficimini: ac si manere iterum vobis erit animus, extra portas egredimini: æquius deinde manebitis, si quem non vultis vt vincatis, eum saltem cui hactenus pepercritis videatis. Sin autem indulgere vestræ laudi & gloriæ vultis, ite, occupate viam, progredimini usque ad fines, ab his repellite hostem, aut ad cædem suam admittite. Quanquam quid admittatis? quem supra caput vestrum stare sciatis, à quo sæpius fuga trepidum plenum vulnerum ac pauore incidere in portas populum videatis, non fortunam, aut quenquam deorum, sed vos ciues accusantem. quorum dextras impias riuis sanguinis fluentes, inter rapinas humanasque hostias per deorum templa & altaria volitare sciatis. Vos hæc pati diutius potestis? ciues, aras, deum delubra, sepulchra maiorum, pollui, vastari, cruentari? Ite tandem aliquando quo vos iam pridem veltra pietas vocat. neque enim Dij prohibebunt ista, aut propter vos de cælo descendedent, illi opem non denegabunt, vos ipsi prohibeatis oportet: ad hoc vestra vos virtus vocat, gloria inuitat, necessitas compellit. Fugatum vos cum Turca dicite Scytham, multiplicate fama victorias, nondū is victus est, si reuerti potest. Obtinebitis istud si vincere

De vindicandis incursionibus Tartar.

cere velitis quam vicistis. neque enim iam esse aut pax sine victoria, aut victoria sine certamine, aut certamen sine congressu potest. Hic verò quid arma habemus? quid sedētibus spei est? quod premium effusi toties sanguinis expectamus? cùm adeo securus intrat & exit hostis, vt neque nos post terga sua respiciat. Ad hoc certè studium referri debent, quos quandoque voluptas nobis exprimit labores nostri, ire per sylvas & in uia, non solum ad inuestigandas feras, sed etiam ad confectandum hostem, pati hyemem & tædia non modo ad superandam necessitatem, sed etiam ad comparandam gloriam. Habemus quo referamus illam nostram patientiam famis, frigoris, sitis, vigiliarum, quibus nos quandoque inaniter conficimus. Quantum in iis proficiamus, in castris potius quam per deserta monstrare possumus, vt id quod nullo commodo suscipimus instrumentum potius industriæ & virtutis, quam voluptatis sicut otij nominetur. Nunc vt a vobis Quirites propè iustum timorem deprecer & amoueam, percipite quæso diligenter quæ dicam, & ea penitus animis vestris sensibusque mandate. Etenim si mecum patria, quæ mihi vita mea multo est carior, si cuncta Polonia, si omnis Res publica loquatur. Heus quid agis? tuné eum quem timeri ab omnibus gentibus vides, cuius armorum virorumque strepitum, ab Ægypto & Arabia nuper exaudisti, quem inferentem signa propè in patriam vidisti, immanem pestem, crudelem tyrannū, ferum hostem, iterum irritabis vt a nobis non amotus

De vindicandis incursionibus Tartar.

à patria, sed commotus in patriam esse dicatur. nonne pacis inchoatæ, non fæderis ac legum, non denique ferociæ ac potentiae eius meminisse te oportet? Quid tandem in bellum impellit te? spesne victoriae? at nusquam minus quam in bello euentus respondere solet. An desperata iam pax? at non quām extrema experiri, prius legatos mitti, conqueri, res repeti, quæ formula pacis cum Turca est oportuit? An quod degenerem famæ ac emollitum hoc bello expertus sis, nihil à tali hoste periculi times? optandam verò istam securitatem, si non virtus ignavis quoq; rediret meditatione belli, Multo enim aliter nunc hostis ab hoste edoctus arma & vires moueret, cuius sola multitudo, si non tela sua in Te sed corpora injiciat, obruere te posset aut saltem diutius illa perire quam tu vincere. An cum mouebis arma, cum bellum inferes, vnum tibi tantum hostem deliges, & non cum vtroque simul & Scytha & Turca restibi futura est? His ego sanctissimis Reipub: vocibus, & eorum hominum qui idem sentiunt mentibus pauca respondebo. Ego si id contra fædus iudicarem Quirites sua tueri, quamuis in iniquissima conditione aduersus latrones istos nec verbum mitterem. Sed cum summi viri & clarissimi ciues, Sienauij, Zbarauij, Zamoscij, Tarnouij, & alij superiores cōplures toties eos fugando, occidendo, fædus non modò non violarunt, sed hoc ipso sibi & regno firmius reddiderunt, certè non erit verēdum nobis ne quid tam graues toti regno latrones coercendo, inuidiæ violati fæderis incurra-

mus,

De vindicandis incursionibus Tartar.

mus. Quod si ea maximè impenderet, ita tamen existimau, vt crederem iūra fæderis seruari ijs non debere, qui ipsi non tenuerunt. Quanquam nonnulli erant, qui aut ea quæ imminebant non videbant, aut si videbant dissimulabant, qui mollibus hisce sententijs bellum Turcicum adduxerunt, leuaq; Tartarorum latrocinia impune transmittendo grauiora prouocauerunt. quorum sententiam secuti multi, non solum imprudenti, sed etiam cauti, dum bellum verebantur, pacem amiserunt. Nunc si insigni clade à vita fortunisque nostris Tartaros amouerimus, neminem existimo tam imprudentem fore qui non intelligat, aut cæptam amicitiam tenuisse Turcas, si quiescant, aut iam fædus rupisse, si querantur. Atque hoc pacto intelligo latenter adhuc aliquam pestem, aut breui comperi, aut in perpetuum comprimi posse. quod si Turca surrexerit, secum suos adduxerit, omnes vires in nos traxerit, potestne venire maior quam vietus est? Etenim iam diu Quirites in hac religione fæderis violandi versamur, sed nescio quo pacto semper sanctitatis huius pœnas lumenus. Quod si legatos quoque miserimus, vt antea spe & promissis laetabimur, periculum autem residebit, & erit penitus infixum in medullis & visceribus Reipub. vt sœpè medici imperiti, cum in morbo veteri & diu aucto sensum mali ægro auferunt, prius repleuare ægritudinem videntur, deinde multo grauiorem & contumaciorem reddunt: sic hoc malum Reipub: repleuatum his querelis, vehementius euentu irrito ingrauescat.

Quam-

De vindicandis incursionibus Tartar.

Quamobrem Quirites, remouete moras, consistite in acie. virtus, gloria, salus, vindicta, indignitas in vestra pectora congregentur: reddite terrorem hosti, eripite vestra pignora, succurrите vincitis: ite, tollite, pellite, perdite hostem, ut tandem miseri ciues, quos sui oblitos putant meminisse sciant. Hoc vobis polliceor Quirites, tantam fore afflcta illius prouinciae luctitiam, tantam ciuium illic manentium alacritatem, tantam bonorum omnium consensionem, tantam vicinorum ac finitimorum in posterum reuerentiam, ut omnia loge lateque vindicata, salua, quieta, pacata, beata æternum sentiatis. Hisce omnibus Quirites cum summa Reipub: salute & cum vestra fama & gloria, cum miserorum ciuium precibus egredimini ad pium bellum & necessarium. Tum Te S T A N I S L A E custos semperne huius imperij, cæteraq; sancta numina quæ huic arci regnoq; præsidetis, quæ a tot annis triumphis nostris coluimus, voce publicâ precor venerorque, custode, seruate, protegite hoc imperium: a vestris aris cæterisque templis, a tectis urbis & mænibus, a vita fortunisq; ciuium arcete hominem, date victoriam Polonis, opem numenque vestrum bellatibus annuite.

AD LECTO.



AD LECTOREM.

In tractatio ad imitandum Cice.

ronem.

Audiu est, Lector amice, ut ad alia que in Academia conficio, nouum adhuc literaturæ humanioris pensum accurandum mihi traditum est. Fatebor: præter spem meam, non tam usquequaque præter votū. Abeunt enim ut scias Medicorum præmia, & neq; bona fruges, quamuis in pingui & opimo solo excitari possunt, cum inutiles herbae succrescant uberrimæ. Neque hoc idcirco dico, ac si iam totus in alienam familiam transierim, sed postquam gratia vulgo placendi prælata est utilitati iuandi, ego Proteum in literis, quam in vulgi placitis agere malui. Ut enim terra (quidam inquit) que gignit salem nihil aliud gignit, sic ingenia nata ad literas, ad alia non perinde valent. Me vero præter cætera vetus quoq; huius studij amor impulit, ut susciparem laborem, quem aut prestare posset mea diligentia, aut perferre mea iuventa; respiciens semper communem illam bonorum curam, quæ pulchrius putat

I

quic-

35

Ad Lectorem.

quicquid faciunt, alijs fecisse quam sibi. Quanquam (audite Censores) nihil hic nonum pressum est in annum, sed lusus sunt ingenij tantum, & diales cum discipulis opell&, quas etiam ne ad solos pertinerent, populo dicaui. Ceterum id semper unice quesiui, ut Cicero*in Ciceroni* quem prælegendum publicè sumpseram, discēditum quam maxime posset responderet eloquentia. Tantum enim Oratoris nomen unum quemq; acquirere posse putabam, quantum per eius vestigia, qui unus omnia optimè fecit curreisset. Etenim promptius semper ad exemplum componimur, & quod in altero placere & probari videmus, ipsi quoq; ut placeamus probemurq; per similia connitimus. Similes autem nos alijs raro natura præstat, plerumq; imitatio. Ut aliquis nisi nutricis voces imitando exprimat, patris sermonem loquendo imitetur, sit licet acerrima acie, diuino ingenio, quantus tamen, quam præclarus erit? mimicus, mutus erit. Ergo cum auditores meos per hanc unam difficultatem sustento, manum scribentium rego, magnumq; Oratorem ad tabulam ponno, ecce mihi opus istud promouēti, res noua nascitur inter manus. Que illa sit verbo expedio. Imitari Ciceronem in scribenda oratione, nisi quis se penitus in laten-

Ad Lectorem.

latentem eius aliam orationem induerit, vix quemquam posse video. Quamuis enim cultu ornatusq; ab ipso accepto se venditant pleriq;, magis tamen tenuem apud vulgū quæsse laudem, quam apud doctos magnam aliquam ex eo virtutem excepisse videntur. Etenim ut corpora sana, ex quibus vires ex ijsdem pulchritudinem habet, ita oratio ex quibus robur ex ijsdem & formam accipit: neque unquam similis ille vultus, oris maiestas, sed impostura, sed pigmentum erit, cui non vitalium quoq; est similis compago. Fallitur ille, qui ex alio sue orationis vultum polire, unques eius circumcidere, capillum pectere, gemmas acuere, istam imitationis præcipuam curā esse existimat. omnia enim hæc sine substantia sectari tam est ridiculum, quam querere alicui vestem & habitū sine corpore. Solum ego similem posse esse Ciceroni existimo, qui cum Cicerone similia iacit fundamenta sue orationis, illa similibus argumentorū munit præsidijs, ubi quid siue ponitur, siue assumitur, siue deducitur, siue seorsim dicitur, siue inuicem componitur, ponit, assumit, deducit, dicit, componit: quod Propositione, quod Enthymemate, quod Inductione, quod ducta in orbem Ratiocinatione conficitur, probatur,

Ad Lectorem.

comprehenditur, ipse conficit, probat, comprehendit. Hoc enim agenti cetera se facile praebent, figure veniunt, numeri respondent, nitor sequitur, maiestas dicens eminet, cuncta deniq; ut in familia bene instituta obsequuntur. Neq; ego fortasse hac aliquem animaduertisse nego, præstissem tamen aliquem nescio, certe ipse hac de re neminem consului, quæsiui, vidi, excussum: Et nunc iudicium tantum meum legentibus ostendo, repugnantibus suum relinquo. Scio, scio optimæ impedita hac Et difficultia plurimis videri, sed ita studiorum ut virtutis via aspera semper Et salebra erit. quanquam quid in hisce arduum Et salebrum esse possit, que tantum voluntate constant? quā si quis vera fide induit, vulgatum illud sed verissimum experitur, Volenti nihil esse difficile. Neq; istud dico, quasi iam unus omnia in Cicerone penetralia recessusq; per ruas erim, sentio enim quantum modo ingressus hæream in limine, sed quod primus ad ista discentes duxerim; illud ante oculos habens, quod in rerum pulcherrimarū agressione alijs contigit, ut voluisse etiam abunde illis pulchrum Et magnificentum fuerit. Quantulum enim erat quod à me huic studio imperfiri potuit? alias horas medendi cura, alias profitendi labor,

Ad Lectorem.

labor, has lectio, illas scriptio, iam exercitatio, iam història auferebat, ac plerumq; neq; tum etiam cum vacabat, tempus ad hæc studia vacabat. Itaq; in his quætibido sæpe necesse erat obrepere somnum, vel si credere nolis, prout erat mihi interim genius desudare alibi volui, alibi nolui: satis tamen amplum putans me relieturum aliis patrimonium, si magis quæsisem bonam iuuenum institutionem, quam mearum laudum opes. nam scias, multum Et apud me distare era lupinis, Et post editam nuper à me historiam, non putata litatum iam Deo Termino, aut hanc alteram historiam esse, cui præterquam quod plurima desunt, etiam Plinij decreto ab oratione, alia verba, alias sonus, alia constructio est. Sed ne umbratili ac penè saltatorio digladiantium more, circa promissum remq; veram ludere videar, infero iam altius pedem, meaq; tibi mentem aperio. Ego cum plurimas in componendas oratione cōdi leges Et precepta ac propè quotidie noua exire volumina, neq; tamen in iis ab omnibus dici satis omnia cernerem, viam ipse tecum aliquā querebam, quā nec ad scribendum sese comparantes longa ambage ducerem, nec ipse docendo id tantum agerem, ut ijdem semper docendi essent. Cum tantum

Ad Lectorem.

momenti in obseruatione solerti atq; imitatione Propositionum, Enthimematum, Syllogismorum, ceterorumq; quibus in oratione atq; in corpore neruis & ossibus sua inducitur species consistere mihi visum est, ut si quē per hæc artificia in aliquot Ciceronis orationibus exercitatum viderem, illum non solum non integras ex ijs componere orationes, sed etiam fundere ubique & equaliter dulces & decoctas, nisi desperato eſſet ingenio desperarem. Quod quidem quanquam neq; sine iudicio, quod à nulla parte operis separari potest, neque sine preceptis praestari queat, tale tamen est, ut ex utrisque iudicium mihi magis quam precepta desiderare videatur. Itaq; ubi iam aliquis necessaria saltem cōparauerit, nec resupinus spectansq; tecta, quid Exordium, quid Confirmatio, quid una queq; pars orationis exposcat perpendere, is ad scribendum ita se comparet. Primum omnium rei nude rudem & quā breuissimam comprehensionem teneat. 2. Ex indigeto illo conceptu rei, tot quot habuerit in se propositiones seorsim deducat. 3. Ordinem propositionū, quæ natura sua alteram antecedit aut sequitur, ne confundat. 4. deniq; unamquāq; illarum vel ad simpliēn Enuntiationem, vel Enthimema, vel Syllogismū aut

Ad Lectorem.

aut aliud aliquod Ciceronis artificium reducat, siue in Syllogismo ea maioris locum, siue minoris, aut aliū obtineat: siue non distinctis, siue etiam non totidem partibus, ut in Syllogismo consueuit inducatur, que ut nosti ab oratore, sicut etiam syllogismi perfecti nō desiderantur. Atq; etiam ut hac de re non solum credas, sed etiam iudices, duo hic exempla subiiciam hac in iis lege, quæ difficillima eſt mihi met imposita, ne ad id quo egeo plures quam duas primas orationes Ciceronis Catilinarias assumam: tu saltem ex hoc quam infinitæ orationes ex aliquot Ciceronis educi possint, clare videbis. Itaq; Catoni & Cæsari qui duo multa se penumero & magna in Repub: certamina sustinēt in præsentia hanc disputationem damus. Utrum milites auro & argento uti debeant. Ergo cum iis putate nunc in Senatu eſſe, atque eade re priorem Catonem sententiam rogatum dicere.

C A T O.

Milites auro & argēto uti nō debēt.

E X O R D I V M.

Hoc (ut interim sis Cato) in hūc verbi gratia modum facere poteris. Dices odio haberisti os, qui Reip: consilia

C A T O.

consilia dant. te tamen id non curare, modo vel id vnum efficias, ne milites auro onusti pralia obeat. Hec est rudis summa exordij. quam si consideras ad tres potest reduci propositiones. 1. est, quod odio habentur qui consilia Reipub: dant. 2. quod tu id non cures. 3. quod id unum persuadere velis, ne milites auro utantur: que quidem propositio est orationis. His igitur propositionibus factis, quamlibet tu illarum reduc (seruato ut dixi earum ordine) aut ad Syllogismum, aut ad Enthymema, aut etiam ut simplicem enuntiationem tracta, sed ita ut Cicero aliquam suam. verbi gratia in re proposita, ex prima poteris facere argumentum tale, quale facit Cicero in response ad confutationem Catilinariae primae in verbis illis: Ego si id optimum factu iudicarem P. C. Catilinam morte multari Sc. tu ad normam similitudinem faci illuc argumenti tuum quoque ita fac.

Optimum esset Rem publicam multorum consiliis abundare, si non odio haberentur iij qui Reipub: consulunt.
Sed odio habentur: Ergo.

Maiorem pone primo loco ut Cicero ita: Optimū semper iudicaui P. C. Rem publicam multorum consiliis adiuuari, neque vnius solum capite & iudicio niti. Primam partem propositionis huius expoli ut Cic. Etenim si multa regna & clarissima imperia Romano-rum, Carthaginensium, Rhodiorum, aliarumque com-

plurium

C A T O.

plurium nationum, populi sui consulta non modo non repudiauerunt, verum etiam semper aestimauerūt, certe non erat verendum mihi, ne in hoc grauissimo confessu, vbi sentire quæ velis, & quæ sentias dicere licet, sententia mea minus grata auribus vestris exciperetur. Hic deinde secunda pars maioris erit: Quod si etiam id accideret, ita & huc vocatus, & in hoc regno educatus, ut praeterquam ex veritate consulendo, tunc abunde mihi partum amoris, aliter odia & inuidiam stare contra me hominum putarem. Minorem postea statim pone ut Cic: in illis verbis: Quanquam nonnulli sunt in hoc ordine, Sc. tu vero tuam ita: Quanquam nunc multi sunt tales, qui aut propter publicum odium tacent, aut si non tacent, propter priuatum commodū loquuntur: qui suo affectui aut respectui indulgendo, communem omnium libertatem corrumpūt, quorum adulacionem vel silentium seuti multi, nō solum ipsis similes, sed etiam imbecilles, si veritati consulas, statim simultates & odia istorum ineas. Conclusionem argumenti quod consuetum est Oratoribus omitte, Neq: hic apud Ciceronem est, que sit propria huic argumento, sed communis toti orationi.

Absoluta prima propositione exordij, secundā quod videlicet inuidiam non cures aggredere. quam reducere poteris ad syllogismum simile illi quem facit Cic: in Catilinaria secūda, Prolepsi secūda, ab illis verbis:

K

O condi-

C A T O.

O conditionem miseram, non solum administrandæ,
verum etiam conseruandæ Republicæ, &c. Tu in tua
re, fac prius ut ibi sit argumentum tal.

Si de Republica dixero, magnam inuidiam incurram,
Sed eam non euro: Ergo.

Maiorem incipe, ut ille ab exclamacione cum com-
miseratione. O conditionem miseram, non solum ad-
ministrandæ, verum etiam conseruandæ Republicæ.
Amplifica deinde maioris utrasq; partes, & subiectū,
& prædicatum, ut etiam Cic: facit. Subiectum ita:
Nunc si ius dicendæ sententiæ accipias, auaritiam, libi-
dinem, luxum arguas, nullius delicti cuiquam gratiam
facias, quod ex Republica est promas, alios in id ipsum
inducas: Prædicatum deinde ita, non tu publico bo-
no studere, non utilitati omnium prouidere, non liber-
tatem præferre, sed contradictionibus omnia destrue-
re, arrogantiam tuam publicè ostentare diceris: & sunt
qui te, si quod tui muneris est facias, nō prouidum sed
factiosum, non constantem ciuem, sed Rempub: turbá-
tem aduersarium existimari velint. Minorem deinde
pone ut Cicero. Est mihi tanti P. C. huius inuidiæ fal-
sæ atque iniquæ tempestatem subire, que talis est, ut
etiam inchoationem tertie propositionis exordij ex-
poscat, quam tu non neglige, dummodo inter tot tan-
taque vicia, vel vni obuiam iero. Conclusionem dein-
de pone, repetita iam clare tertia exordij proposizio-
ne, ut

C A T O.

46
ne, ut Cicero facit ita: Dicar sanè æstimatione istorū
tristis, dummodo quod pridem fieri oportuit, aurum à
militantibus amoueam. Hic ut vides iam propositio
est tertia, neq; amplius necesse est eam ad aliquod pe-
culiare artificium reducere. Id tantum fac (quanquā
apud alios iam factum esset) ut magis ex iis quæ feci-
sti exordium id esse appareat. Quod facere poteris, si
leges & virtutes exordij propositionibus iam confe-
ctis addideris. Quod egregie prestare potes per illa ver-
ba Ciceronis in Catilinaria secunda. Prolepsi prima,
Quos si meus consulatus quoniam sanare non potest
sustulerit, &c. tu verò ita: Quod saltem vnum, si ab il-
lis, quoniam in alia nequicquam valemus sustulerim⁹,
non graui modo malo laborantem militiam, verum e-
tiam ipsam patriam liberabimus. Nulla est enim natio
quam pertimescamus, nullus rex qui bellum nobis in-
ferre poscit. omnia sunt Regis nostri virtute & auspi-
cio domi forisq; pacata, domesticum tantum bellum
manet, intus insidiæ sunt, intus inclusum periculum est,
intus sunt hostes, cum luxuria nobis, cum petulantia,
cum periculatia certandum est. Huic ego me bello du-
cem semel professus P. C. suscipio curam perditorum
morum, quæ sanari poterunt quacunq; ratione sanabo,
quæ resecanda erunt, non permittam ad perniciem Rei
publicæ manare. Atque hoc pacto ut vides, extribus
tantum propositionibus, consummatum exordiū est.

CONFIRMATIO.

Exordio perfecto, pro confirmanda propositione, quam tractare instituisti, omni arte conquirende tibi sunt rationes, quas siue per locos peruestigaueris, siue tuomet iudicio adduxeris nihil refert, modo ut similiter ac in exordio, per syllogismos, entyphemata, &c. eas. Verbi gratia, cur milites auro uti non debent. Prima ratio poterit esse ista, quia auro & argento resolutur rigor militaris. Hanc verò propositionem ponere poteris in argumentum simile illi quod facit Cicero in exordio Catilinarie I. Quousq; tandem Catilina abutere, &c. tu in tuare sic.

Quo resolutur rigor militaris prohiberi debet.
Sed auro & argento resolutur rigor militaris,
Ergo prohiberi debent.

Minorem primo loco pone, ut Cicero. Quousque enim P.C. militem luxu diffluere patiemur? quam diu nostrâ indulgentiâ in deteriora proficere sinemus? quâ ad finem omnia summa tantum dissimulatione spectabimus? Nihilne nos mutati patriæ mores, nihil solitus antiquus rigor, nihil corrupta disciplina, nihil patientia, nihil labor, nihil per omnes illecebras emollita militia mouebit? Ab auro ista nasci non videmus? ab opulentia instrui petulantiam non sentimus? iam periculis, iam virtute, iam obedientiâ, locupletissimum quenq; fatigari non animaduertimus. Postea ad complexionem

xionē per exclamatiōē descende, O tēpora, ô mores! quā partim ratione per dissimilitudinē posita inuolue: Serpit & crescit quotidie malum, animus ipse militum cum corpore tenetur, hoc tamē nemo videt: videt? imo verò vitia ridet, & luxu diffluere seculum vocatur. Nos autem viri prudentes, prouidere Reipublicę vide-mur, modò talium numerum & agmen comparemus. partim manifestē repe, Admittere me hercules nisi ferro asperum, totum tectum galea vultum, aut fera-rum tergis horrentem militem in castra non oportuit. Atque ad hunc modum tractata conclusione, ad maiorem que ultimo loco posita est perge. quā similiter inductione exemplorū comprehēde & illustra ut Cic. An verò Spartacus ille, cùm arma in Romanos moueret, omne aurum argentumque nec bello quidem vtile credidit: nos etiam ocio & quieti salutare putabimus? Nam illa nimis antiqua prætereo, quod apud Romanos diu ferreus annulus virtutis insigne fuit, aureū præterquam legatis & triumphantibus induere non licuit. Fuit, fuit ista quondam & apud nos innocentia, vt non minus bonis moribus in castris disciplina custodiretur, quam alibi seueris legibus licentia coiceretur. Reducere nunc quoq; possemus eandem gloriam, non deest Reipub: consilium, neq; autoritas huius ordinis, nos, nos apertè dico P.C. desumus. Decreuit quondam Fa-bricius Censor, ne quis aurum argentumvē in castris baberet, num & ipsis Ducibus præterquam pateram &

C A T O.

salinum argenteū solum concessum circumferre licuit? Meliori adhuc exemplo Fescennius Niger , ex castris omne aurum argentumq; sustulit, num postea & duces ipsos in vasis ligneis vesci puduit? At nobis inter varia delitarum instrumenta, lecti adhuc preciosi, & grauiora armis pocula deesse videtur. Videmus enim discurrentes per pectora militum torques , indutos argento equos, splendere cælatos auro exercitus, quæ omnia statim inter initia , ne maior nobis pugna cum luxuria, quam hostibus esset prohibere oportuit. Sinimus & sinimus ista , non ad explendam eorum satietatem, sed ad inuitandam peiorum cupiditatem. Hactenus Ciceron tractauit suam rationem.

Secunda verò ratio esto: quod periculosem sit militibus aurum concedere. Quam rationem tractare poteris secundū illa verba Ciceronis in Catilinaria I. Nobiscum versari iam diutius non potes, nō feram, non patiar, non sinam, &c. Tu itaq; conficies similem illi loco Syllogismum.

A quo periculum Reipublicæ excitari potest, prohiberi debet,
Ab auro & argento periculum Reipublicæ excitari potest.
Ergo prohiberi debent.

Minorem ut illic primo loco pone. Dissimulare hoc ego saltem diutius non possum , quantum valebo non feram, non patiar, non sinam. Magna diis immortalibus habenda est gratia, atque his ipsis diuis tutelaribus, antiquis custodibus huius regni atque imperij, quod nihil adhuc tetur, nihil perniciosum, nihil impium ha-
ctenus

C A T O.

ctenus experti suimus. Postea maiorem, Non est tam diutiùs periclitanda summa salus Reipublicæ. Iterum redi ad illustrationem minoris cum Cicerone. Quoties alicui insidiatum est ab hostibus, non prius ullus dolus quam merces militem cœpit. Cum proximo bello, ad sollicitandos & Ruthenos & Cosacos à Turcis sacerdotes ritus ipsorum dimissi essent, nisi nefario sceleri prisca adhuc virtus obstitisset, nontam religio in perfidiam, quam aurum valuisset. denique quotiescunque insignis aliqua pernicies ducum, sedatio exercitus, proditio Reipublicæ audita est, sæpius ab auro venit: quod nunquam non sine summo periculo inter milites versari potuit. Nos verò Rempub: vniuersam, tēpla deorum immortalium, tecta vrbiū, vitam omnī nostrum, Regnum denique totum in manibus militum habemus. Conclusionem deniq; huius argumenti fac: Quare quoniam omnia quæ huius sanctissimi imperij, disciplinæq; maiorum propria sunt, facere non possumus, faciamus saltem id, quod primum esse videtur, & ad communem omnium nostrum salutem necessarium. Nam si quippiam aliud corrigere velimus, residebit tamen hæc pestis & periculum in venis atq; in visceribus Reipublicæ: si id, quod vos vnū P.C. hortor sustulerimus, extinguentur atque delebuntur, non modo aliae in Republica pestes, verum etiam ipsa stirps ac semen malorum omnium.

Finita iam ista ratione, tertia esse poterit: quod au-
rum

C A T O.

rum sit origo & fons omnium malorum. Ex qua facere poteris enthymema, ad similitudinem illius Ciceronis in Catilinaria 2. in verbis illis : O fortunatam Rempub. siquidem hanc sentinam huius urbis eicebit, Ec. Enthymema tale erit.

Aurum est ubique origo & fons malorum
Ergo & in castris.

Antecedens incipe ab exclamatione: O fortunatas Respublicas , siquidem hanc sentinam scelerum ejcent. Nullum enim mehercle malum mihi non ab auro importatum videtur. Quid enim mali aut sceleris fingi aut excogitari potest, quod nō istud intulerit? quæ petulantia, quod facinus, quæ fraus, quod scelus, quis furor, quæ turpitudo, quæ libido, quæ iniquitas, quæ luxuria, quæ ignauia, quod flagitium, quæ temeritas, quæ amentia, quæ desperatio inueniri poterit, quæ non vna cum auro irruperit? Quæ cædes vñquam facta est sine illo? quod parricidium non propter illud? Iam verò quæ tanta vis in re vlla fuit, quanta in illo? quod sæpe in necem amici compulit amicum, qui non potuit interimi per inimicum. Hoc patres liberosque inter se committit, hoc venena diluit, hoc gladium non solum militi, verum etiam percussori porrigit. Iam verò quid mundum in regna atque adeo tot membra discepit? quid tam subito tantum miserorum numerum intulit? Nemo non modo diues, sed neque pauper, vlo in angulo reperiri poterit, quem nō perinde solicitude maceret, siue eius ipsi multum adsit, siue multum desit. Atque

C A T O.

que vt diuersa auri mala, in dissimili ratione perspicere possitis, nemo mortalium in scelere fuit adeo timidus, quem non ad omne audaciam accenderet, nemo in opulentia tam innocens, quem non sordidâ curâ, metuq; sui pollueret. Atque idem tamen omnium scelerum & flagitorum instrumentum , frigore & fame , ac siti, & vigiliis vitam hominum conficiendo, apud omnes in honore habetur, cùm tantum illi precium faciat, sola cupiditas mortaliū & calamitas. Hactenus antecedens tractatum fuit, cum sui probatione : nunc consequens pone , cum amplificatione ab adiunctis milium, vt Cicero facit. Hoc verò si procul à milite esset, si ex castris reineretur innocentium quoq; hominum flagitiosa pestis, ô nos beatos , ô Rempub: fortunatam, ô celebrādum diem comitiorum nostrorum. Non enim iam sunt mediocres milium libidines , non humana & toleranda avaritia : nihil cogitant nisi luxū, nisi prædam, nisi rapinas. Mercedes suas profundunt, stipendia abliguriunt, mox sumptibus exhausti saui & truces in aliorum fortunas feruntur , aut ab ijs pecunia mitigantur. Quod si in cultu & habitu fulgorem solum & decus quærerent, essent illi quidem vituperandi , sed tamen esent ferendi : hoc verò iam quis ferre possit, fortissimos viros auro deuolui ad ignauiam, continentissimos ad rapinas, temperantissimos ad luxus? qui mihi accubantes in coniuiis , complexi mulieres impudicas, vino languidi, confecti cibo, fertis redimiti, debilitati

L

bilitati

C A T O.

bilitati stupris, eructant ad mensam sermonibus suis gloriarum thesauros & victorias Alexandri.

Quartam rationem poteris deducere, à collatione senatus consulti Carthaginensium, cum re quam suades: tractare verò secundum illa verba Ciceronis in Catilinaria 1. Si te parentes timerent atque odissent tui, Ec. facta tali Syllogismo.

Si vini usus alibi vetitus erat militi, multo magis debet auri vetari.

Sed primum:
Ergo & secundum.

Minorem prius pone ut Cicerio. Si vinum militi, ut olim apud Carthaginenses gustare capitale fuit, ego nunc auferrem, ut opinor, oculis quoquè vestris, libidines militum edocti, in sententiam meam concederetis. Maiorem deinde, nunc aurum & argéntum, fontes ac faces omnium malorum & libidinum, tolli & amoueri censeo: Tandem conclusionem, vos & meum consilium approbare, & aliorum exemplum sequi, & vestris malis mederi pigebit?

Quinta ratio erit: quia Senatui quoq' grauis est iste militum luxus. Quam rationem tractare poteris, secundum illa verba Ciceronis in Catilinaria 1. Quāquam quid ego te inuitem, à quo iam sciam esse premissos, Ec. Tu ita:

Si vobis grauis iam est iste militum luxus, prohibete illum.

Sed primum:
Ergo & secundum.

Maiorem

C A T O.

Maiorem omitte, minorem pone per correctionem. Quanquam quid ego hæc vobis persuadeo? à quibus ipsis, sæpi iam hoc in loco de hac re questum esse sciā, sciam à principibus viris dictas esse acerrimas & fortissimas sententias, à quibus etiam ærarium ipsum fatigatum, communique nunc cum finitimis sorte, regnum quoque hoc afflictum memoratum esse sciam. Conclusionem deinde pone, Vos vt diutius erogare pecuniam in luxum velitis? vos vt ferre tantam licentiam possitis? à cuius sæpe immanitate, apportatam ab ijs victoriæ latitudinem, ad fletum, & ad opem deorum implorandam transferebatis.

Sexta ratio erit: quia non est proprium militum auro commendari. quam tractabis per eundem locū Ciceronis ut sequitur, tali Syllogismo:

Si non est proprium militum auro commendari, id ipsis prohiberi debet.

Sed primum:
Ergo & secundum.

Maiorem pone, Prohibete tandem aliquando, quod iam pridem sua militibus fortuna & cōditio prohibuit. Neque enim hoc pacto ipsis ullam inferretis iniuriam, sed omissam reuocabitis disciplinam. ad hanc illos seruandam sua voluntas duxit, stipendum alligauit, sacramentum adstrinxit. Minorem deinde, Nunquam miles auro plus quam ferro gloriatur, nunquam splendidus magis quam saucius spectatur. Hic nos vnde scire poterimus, quo animo sit in labore, quā patientiā in

L 2

inopi-

C A T O.

inopiam, qua contumacia in aduersa, si ad tot castrorū munera acceptum, neque audimus pati quicquā, neque videmus. Conclusionem huius argumenti, ut vides natura quoque sua maior inuoluit. Hoc itaque modo tractatis hisce aliquot rationibus, quas & plures adducere, & si in alias orationes excurreres, uberior & letius tractare posses, ad perorationem descende.

P E R O R A T I O.

Hanc, quanquam difficile, per simile cum prioribus artificium ducere, est enim coaceruatio quædam, ut vocant Rethores, & cumulus orationis, tamen & ipsa saltem perorationi alicui alteri in Cicerone similis esse poterit. Verbi gratia in re præsenti, secundum illa verba Ciceronis, que habentur in Catilinaria 2. in fine construi potest: Nunc illos qui in urbe remanserunt, atque adeo. &c. Tu quoque facta breui enumeratione proq̄motu, metum incutiendo, more Catonis ire poteris. Quamobrem P. C. capessite Rem publicam, date præcepta, componite militiam, satis iam à vobis licentiae indultum est, curate iam ut castris reddantur omnia non bacchanalibus similia, gladij, arma, ferrum à milite, pro auro tractentur. Nemo sub signa inuitus it, nemo trahitur, nemo cogitur, cui militia, simul obedientia, disciplina placeat, necesse est. sin autem

C A E S A R.

autem resoluere hæc quisquā voluerit, sciat hic quoq; esse ordines vigilantes, esse egregios magistratus, esse fortē Senatum, esse leges, esse carcerem, quem vindicem rebellium & periculatum maiores nostri esse voluerunt. Hactenus Cato.

C A E S A R.

Milites vti auro & argento debent.

Sicut in priori oratione componenda, ita in hac progrediendum est. Primum omnium faciendū exordium, cuius summa hæc esse poterit. Dices nunquam oportere blandiri vitiis, sed si contra Catonem, milites auro & argento vtentes non defendarem, blandirer vitiis. itaque defendam eos. Hinc possunt confici tres propositiones. Prima, quod non oporteat blandiri vitiis. 2. quod si contra Catonem non defenderes milites auro vtentes, blandireris vitiis. 3. quod eos defendere velis. Haec sunt itaque propositiones, que ad aliquod Ciceronis artificium reduci debent.

Prima tractari poterit secundum illa verba Ciceronis in Catilinaria 1. Utinam tibi istam mentem dij immortales donarent, &c. illic tu fac argumentū tale.

Nunquam oportet blandiri vitiis,
Sed dum ea corrigimus lenitate non blandimur vitiis.
Ergo lenitate sèpius corrigenda vitia.

CÆSAR.

Maiorem primo loco pone: Utinam P. C. eam Dij immortales nobis mentem donarent, vt nullum vnquam in Republica vitium paruum existimaremus. Hanc maiorem, ex dupli in emendandis vitiis via disputando agita, ut Cicero facit per correctionem, primo ad lenitatem propendendo, sic: tametsi scio, quanta cuique in corrigendis ijs ratio habenda sit, qui non magis ira & seueritati, quam remedio & bono Reipub: consultum esse studet. Deinde ad seueritatem inclinando: Sed est mihi tati etiam atrocitas & crudelitas, dummodo ea Reipub: periculis succurrat. Postea pone minorem, Sed tamen, vti recte consulas, quid odio & pena, quid suppicio & venia, quid remedio & dissimulatione opus habeat, considerandum est. Confirmare minorem: Neque enim omnes virtutes probantur, & quædam virtus altius quandoq; insident, quam vt ea possis sanare. Tandem sequitur conclusio: Quamobrem vt iam initio dixi, leuissimis quoque prospiciendum est, ac simihi creditis, saepius moderatione & bono exemplo: vix enim vnquam tantam vim habuerunt bona leges, quam tam boni mores, vix tantum in vicia pena, quantu[m] penitentia profuit. Sin autem saevitiam & austерitatem in dominantibus requiremus, transcendet breui etiam ad optimos crudelitas, crescat licentia, suscitabitur avaritia, inioluentur eadem ruina boni, vt à nobis non permitta in improbos iustitia, sed immissa ad regentes

licen-

CÆSAR.

licentia esse videatur. *Hoc modo tractata prima propositio:*

Secundam ducere poteris secundum illa verba Ciceronis in principio Catilinarie 1. Cupio P. C. me esse clementem, cupio in tantis Ec. ubi facies Syllogismū talem.

Nolim blandiri vitiis.

At si contra Catonem non defenderem milites auro vtentes blandirer vitiis, Ergo eos defendam.

Maiorem pone primo loco: Cupio P. C. me esse seuerum, cupio in Reipub: periculis non dissolutus videri, & viri quoque fortissimi ac grauissimi Catonis sententiam mecum ipse repeto: de opulentia is & pecuniis nostrorum militum questus est, atq; ex iis plura in dies singulos malefacta nasci differuit, neque ullum esse, qui intestinam hanc Reipub: perniciē demoliatur. Minorem deinde pone: Si post hanc sententiam iuero, si milites oppugnauero, certè verendum magis erit mihi, ne non hoc omnes boni blandius à me, quam quisquam seuerius factum esse dicat. Verum ego idcirco, quod vnumquenque nostrum carere auro oporteret, hac de causa vt milites defendam, adducor. Conclusio huius argumenti eadem est cum propositione tertia exordij, proinde hic tractari statim poterit, ita vt sequitur in Cicerone. Tum denique id quoq; ipsis prohibebo, cum iam nemo nostrum tam diues, tam opulentus, tam rebus omnibus instructus fuerit, cui aurum

non

CÆSAR.

non eorundem ac militi facinorum causa esse possit.
Quamdiu quisquam erit, quem pecuniæ, sumptus, æra,
tabulæ delectabunt, defendam milites, & defendam
ita, non ut fauere & indulgere causæ illorum, quæm sa-
luti Reipublicæ videar.

CONFIRMATIO.

Quanquam posset hic separata à confirmatione
confici refutatio, ubi Catonis dissoluerentur argumen-
ta, tamen ne difficultatis nouæ accessione, (cum non
sine ratione difficilius semper creditum est refellere,
quæm accusare) discentem fatigemus, interim labefac-
tando in argumentis Cæsaris priores rationes & hoc
& illud quod promisimus, præstabimus.

Prima itaque ratio esto: quod turbaretur Respub:
si militi aurum adimeretur. Hanc rationem tracta
secundùm verba Ciceronis, quæ statim sequuntur in
eadem i. Catilinaria. Etenim quid est Catilina quod
iam amplius expectes, &c. facto illic tali syllogismo.

Si turbatur Respub: satius est nihil inducere noui & pacem seruare.

Sed turbatur: Ergo.

Maiorem primo pone: Etenim quid tandem P.C. hac
rogatione proficimus, si turbantur, si dissoluuntur om-
nia? Satius est plurima non attingere, vt quies sit, mihi
credite, & pacem quæ difficilius quam bellum admini-
stratur retinere. Minorem deinde pone: Nouis rebus
commo-

CÆSAR.

commouet semper Respub: graues sunt armatis le-
ges, morte adhuc grauior futura est, quam in ipsos pa-
ratis contumelia. Minorem hanc proba, vt in sua re
Cicero facit. quia verò tres partes habet, singulas se-
paratim & suo ordine tracta, premissa attentio ne
breuissima vt Cicero. Quæ omnia licet mecum reco-
gnoscite. Primam partem ita: Meministisne quoties
res nouas, veteres, vt Palatinos, Reges, leges, adiectas,
reiectas volebamus, toties penè iacturam Reipub: fa-
ctam? Num effugere nunc quoque poterimus, in re tā-
ta, tam indigna, tam inusitata, non modo aliquem mo-
tum, verum id quod à milite sæpius venire solet insignē
aliqué metum? Deinde iterum idem confirma: Vide-
mus hanc Rempublicam belli magis quæm pacis arti-
bus instructam esse, cùm ex militibus nobiles facti, anti-
quum adhuc lustrationis institutum, perenne equitum
nomen, atque manendi in agris, velut ex aperto & acie
hostium excipiendorum causâ, morem retineat. Num
inficiari vultis, hanc rogationem, non omnes nobiles,
omnes ciues, vniuersam propè Rempublicam commo-
uere posse, cum quiescentibus cæteris, à solis qui sti-
pendia accipiunt, magnum semper videmus excitari
posse incendium? Hoc facto, secundam partem mino-
ris, quod graues sint militi leges confirmata, prout sequi-
tur in Cicerone. Quid? cùm illa sancta sint tātum mi-
litum vincula, signorum amor, eorumque deserendi

M.

nefas,

nefas, putatisne facile ad vestra arbitria, vestra iudicia, vestras leges, velut classicum dimicantes moueri posse? Nihil agendum, nihil moliendum, nihil cogitandum, quod non modo rationem non habeat, verum etiam diu maneat planeque valeat? *Hoc adhuc, Et tertiam partem minoris pone secundū verba Cicer. ita:*
Cognoscite tandem mecum, quantum vniuersis negotijs contrahatur, iam intelligetis, multo magis ad salutem Reipub: pertinere omnia aduertere, quam omnia persequi. Dico milites s̄p̄ius (non agam obscurè) ob tardius numerata stipendia, seditiones excitauisse, irā, arma in suam patriam acuisse. Num id quoque nos desideramus? quid eos irritamus? experiemur si vultis. Video enim esse quosdam qui id suffragiis suis enuntiatur. O dij immortales, vbinam gentium sumus? quam Rempub: habemus? in quo orbe viuimus? Hi hi sunt P.C. qui arma, manus, capita sua, pro nostris capitibus continuò ferunt, quibus nuper nos discriminem Reipub: & virtus ipsorum obligauit; hosce nos spoliare tentamus, & quos præmiis cumulare deberemus, eos nouā contumeliam vulnerare volumus. Excitauerunt igitur alibi milites s̄p̄e ob stipendia seditiones, induxerunt seditiones. non tribuni, non centuriones, ius suum obtinuerunt, nihil modestia, nihil imperio gerebatur, in patrio solo auditum est classicum, illata signa, intentatæ vrbibus minæ. Hæc omnia nobis scilicet adhuc desunt, maiori nunc causâ vt ea habeamus accersamus, p̄eniteat nos pacis & tranquillitatis publicæ.

Tractata

Tractata sic minore, conclusionē cum Cicerone pone:
Quæ cùm ita sint P. C. etiam atque etiam considerate quò progrediamini, alijs potius vitiis frēnos imponite, inter arma p̄enæ vel metui locum ne quærите. Nimiū malorum Rempub: fatigat, noua ne accersite, quæ satiis afflcta excipiatur.

Secunda ratio erit: quod cum aliis non prohibetur aurum, nec militibus prohiberi debet. que tractari potest secundum illum locum Ciceronis in 1. Catilinaria. Quid enim est Catilina, quod te iam in hac urbe delectare possit, Ec. ubi facies talē syllogismum:

Sed promiscuus est auri usus, militi prohiberi non debet.

Sed primum:

Ergo & secundum.

Maiorem ut Cicero facit, Et tu omittes. Conclusionis vis in principio erit: Quid enim est P. C. num solum emendatione dignum, quod milites auro vtantur? Minor statim sequitur: cùm vix quisquam sit in hoc regno, quem non eius cura teneat? rarus qui illo non splendeat? Hæc statim probatur: Quis modus vspiam domesticorum sumptuum est? quæ comparandarum opum satietas? cui non quantum parare potest, tantum & habere permisum? quæ multitudo censuum, quæ captatio questuum, quæ computatio facultū cuiquā sufficit? Vbi verò nunc illa maiorum moderatio? quibus ultra centum millia numerus ipse notus non erat, nonne iam ad multiplicata centena millia & amplius

*M2**possi-*

CÆSAR.

possidendo peruentum est? Quæ ego prætermitto & facile fileo, ne aut inuidere felicitati publicæ, aut quæquam ex eo nocentē facere videar. Prætermitto quod maius est, copias & opulentiam vrbaniorum, & in communia uaritia, variis artibus aurum iam & argentum carius factum. *Minor hæc quanquam longius multo extenditur* & probatur à Cicerone, hic tamen subsistere potes, & tuam rationem finire.

Tertia ratio sit, quod ablato militi auro, nihil esset quod eum delectare posset. Hanc rationem tractare potes secundum eundem omnino locum, ubi adhuc Cicero suā prosequitur minorē, facto tali syllogismi.

Si omnia militi dura & aspera sunt, concedi saltem debet aurum,
Sed primum:
Ergo & secundum.

Præmitte prius attentionem huic argumento ut Cic.
Ad illa venio, quæ non solum multum iusti doloris in militibus excitare, sed etiam non nihil in nobis miserationis mouere possent. *Maiorem deinde pone:* Potestne cuiquam P. C. hæc lex æqua videri, ex quâ cæteri volentes omni opulentia circumfluat, militibus tantum patiendum est quod censueritis, cum sciatis esse neminem, qui questum sciat ullum, qui alium quam quem vita & periculis pariat, fructum habeat. *Postea minorem:* Ac iam ista omitto, neque enim non omnia sunt dura atque misera. *Proba minorem:* Quoties verò fatigatos cælum nudum & asperum, quoties post diem

CÆSAR.

diem tristis iterum nox, obrutos niuibus, pruinis, quandoque pro vallo obligatis pernoctantes vulneribus excipit? quot annis abductos à domo, parentes, propinqui, dubij pauidiq; prospiciunt? Non dies, nox, statio, pugna est, vbi eos non pericula ac totidem penè ad mortem viæ circumstant, neque tamen ut auri vsu lætior sit horum conditio cōcedimus. Quoties iam, quoties iam ultimum profectos lugubris in patriam fama tantum retulit? quoties Reipub: læta nonnisi per eorū sanguinem venit? Postea conclusionem: tamen ista respicere nolumus, quibus quidem magnum adhuc beneficium facere videmur, quod ut animam retineant, permittimus.

Quarta ratio sit, quod exigua sint stipendia militum. Quam rationem prosequi poteris secundum verba Ciceronis prout sequuntur, facto tali argumēto.

Si angusta sunt stipendia militum, aurum eis concedere possumus.
Sed primum:
Ergo & secundum.

Maiorem primo pone per ironiā cui insit attētio, ita: Iam verò quæ militantium sunt æra? sic enim illi quoque periculo ne nimiis stipendiis diffundantur in luxuriam occurremus. *Postea pone minorem:* Creuerunt immensum omnium rerum precia, quis pluris tamen quam ex antiquo aliquot & viginti denariis in mensem corpus & animam militis estimauit? Si cibo victuque hoc tempore ista non sufficiunt, cur ultra superba lege ingratam ignobilemque militiam reddere paramus?

CÆSAR?

Quid, quod ex eodem vester, equi, arma comparanda sunt? Quid, quod seruitia alenda? necessaria castrorum prouidenda? & plerunque antequam emeritum accipiatur ex proprio omnia sustentanda? Tandem cōclusionē: Quā tandem in parte ista ponere vultis? *Confirmatotum id comparatione ut Cicero:* Serui me hercle mei, si quid auri & argenti haberent, id illis non adimendū putarem, vos vestris militibus arbitrabimini? *Confirmat iterum totum collatione ut Cicero ibidem, factō tali syllogismo.*

*Si omnibus interdiceretur aurum, militi concedendum putarem.
Sed non primum: Ergo.*

Maior primo ponitur. Et si à toto regno aurum & argentum abdicatum essem viderem, durius reliquos ciues quā milites habendos censerem; *Minor sequitur:* nunc cum omnes opibus & auro collucere videmus, *Deinde complexio:* dubitamus quod merito sensus mentesq; ipsorum vulnerare posset, aurum saltem ipsis præmio concedere.

Quinta ratio sit ab exemplo, quod non solum non est ablatum aurum militibus, sed sepe præmia data. Quam tractabis secundum verba in eadem Catilinaria prima. *Quanquam quid ego te in uitē à quo iam sciam esse præmissos, Sc. factō tali Syllogismo.*

*Si alibi præmia sunt militibus data, nos eis aurum & argentum auferre non debemus.
Sed sunt data: Ergo.*

Mino-

CÆSAR.

50
Minor per correctionem precedat: Quanquam quid ego nouum, ut quidam falluntur adfero? cum sciatis, agros, torques, coronas aureas, sæpius militibus dono fuisse datas, sciatis pelles, annonam inter integratos exercitus distributam, pecuniam, donatiua ab ipsis imperatoribus data. quibus sanè etiam annulos, cum principio exiguum aurum esset, quamuis ferreos, ipsorum tamē virtuti sciatis esse permisso: Maiorē deinde pone: Vos autē iam illos in superbissimæ legis vincula coniiciatis? ad quorum sæpe manus & arma vestras preces & supplicationes à templis & altaribus conuertebatis. *Tandem conclusionem:* Erubescamus profectō, si quis peculio quoque castrensi, negatum apud nos locum esse obiciat. *Hac tenus quoque Cicero.*

Sexta ratio sit, quod præmis excitatur ad fortitudinem miles, ex quā fac talem syllogismum:

*Quo excitatur miles ad fortitudinem prohiberi non debet,
Sed auro excitatur ad fortitudinem: Ergo.*

Hunc syllogismum tracta secundum eundem Ciceronis locum, prout sequitur. Neḡ enim tibi hæcres affert dolorem, sed quandam Sc. Atq; omissa maiore Enthymemate ut Cic: utere. Antecedēs primo pone: Neque enim præmis & honore ulli sunt maiores ad virtutem & gloriam stimuli. Proba: Horum amore miles tedium tolerat, laborem exudat, vitam in aciem mittit, non recusat æstiui solis ardorem, non fugit sine pellibus

CÆSAR.

pellibus duram hyemem. Ferre in pericula aurum & argentum, idque ad signa deponere multis gentibus & Romanis quoque consuetum fuit, nec segnius quisquam pugnauit, ac citius castra deseruit, quam cum nuda esse vidit. *Deinde pone conclusionem:* At si nos idem militi permiserimus, stabit quoque nostra Respublica, crescat imperium, miles in manu habebitur, dabit frequens nomina, ad delectum cum voluerimus respondebit. ponite eum ante signa, ponite in prima acie, affirmo vobis quo plus dederitis, eò fortius pugnabit. Ad huius profecto ordinis studium verti deberent illi quibus magni cupimus esse sumptus nostri, ostentare opes, non in coaceruando famulitio, sed in exornanda virtute, conciliare pecuniā non ad implenda æxaria, sed ad coequandas cicatrices militantium. Habemus ubi collocemus, præclaram illam gloriam, tot serorum, lectorum, venantium quibus inaniter circumfluimus & conficimur.

PERORATIO.

Hæc fieri poterit ad imitationem perorationis *Cætilinariae* prime. verbi gratia ita: Quare P. C. non inducite quod non induxerunt patres maioresque vestri, mementote ciues istos vestros & milites esse, eandem nobiscum libertatem, idem fortunæ consortium habere: videte quam conditione eos à seruis & captiuis velitis esse. Urbana illa quæ obiiciuntur vitia sunt:

nunquam

CÆSAR.

57

nunquam tantam luxuriam in campo & solario, quam in urbibus & tectis esse eredit: iubete milites meliora semper de vobis sperare. Quod si feceritis, pollicetur vobis hoc P. C. tantam fore ipsorum in suscipiendis periculis alacritatem, tantam in obediundis fortitudinem, tantam in conficiendis constantiam, ut modò experiri animum, modò exercere virtutem, castris, acie, oppugnandis urbibus velitis, omnia semper ex voluntate, expectatione voto vestro habeatis & experimentamini. Hactenus etiam Cæsar.

Qua in re, si te quoque sepius exercueris, liberius deinde relieto (ut dicitur) nido volare, tuoq; arbitratu hac illac arripere iter, & sine exemplo multa exempla confidere poteris. Sed illud quoque hic quod in omni opere inesse memineris, ut nunquam possis bene, si nunquam male: & sicut digitii in cithara ægre & cum intentione initio ponuntur, ijdem postea ad chordas & numeros sponte veniunt: ita hic omnia ab exercitio.



N

LIB. I. TAB. 9.
Lectori.

Mibi verò adhuc superest ad te Lector precatio
et deprecatio. Illa, uti grata habeas quæ feci, atque
ad legenda hec ita accedas, ut in conuiuio, in quo
licet à plerisq; cibis singuli temperamus, totam tamen
cœnam laudare solemus, neque ijs que stomachus no-
ster recusat, demimus gratiam, si adsint, à quibus ca-
pitur. Altera hac est, ne culpes nimium aut succen-
seas. Errores hic non paucos videbis, voces quandoq;
pro aliis positas aut mutatas, alibi demptas, quandoq;
pro bonis peius correctas, neglectam sensuum verbo-
rumq; distinctionem, et plura alia minuta. Obtru-
dere alia calcographis, alia exceptoribus, amanuensi-
bus, multa quoque et mihi imputare possum, qui si
Argus fuisset, dormire in corrigendo omnibus meis
oculis, et alterius potius oculo uti debueram. Tu
profectò quid hic peccatur, si æquus es non reprehen-
des, si prudens facile deprehendes.

C. 1712. 18.

